



10423

小萬卷齋詩藁卷九 丁卯

典試山左述懷二首

涇



朱琦

蘭坡



詔許乘軺到海壖文章性命舊因緣苦心墨汁傾三斗
回首鐙檠隔六年攷古淵源終有用持衡練校豈無權
詒謀課讀殷勤甚

先祖督余兄弟讀書甚嚴

感荷

恩綸忽涕漣

秀求念切棟材良

上以山左多出人材為諭

磊落高秋隼鴉翔歷

下古多名士地淹中今近聖人鄉曾經夏課棲蕭寺只

恐冬烘負校場左右太行千里接家聲應競棟華方齋

小萬卷齋詩藁

卷九

家兄甲寅典山西試

出都至良鄉

歸鳥暮飛急客心南向親幸持星使節猶帶

帝京塵積潦時迂路高禾欲没人依依問濃柳記隔四

年春

道上望西山

鬪斷天門兩界分芙蓉倒插玉氤氳橫空直接青冥去

一箇峯頭一朵雲

驛馬行

朝出馬暮出馬飛符火速如流星畜牧何時到坳野前

驛復後驛驛吏無完衣老馬復駁馬馬足無全蹠三升
豆莖苦不飽努目垂頭向空阜此中亦有渥洼姿徒使
鞭笞困腰裏吁嗟馬瘦人豈知馬來只厭多疲羸深泥
沒膝汗流脛石古路細愁虺隤君不見

朝廷養馬畱有用孽蕃安得王毛仲路旁兒勿誇騰驍
且惜馬命憐馬勞馬聞我歌亦昂首又向紅塵隊中走
過新城贈王芝田大令

百齡

皇心憫瘡痍疾痛猶在身遣吏問所苦下隱胥上陳况
茲近三輔日月拱

紫宸中台課殿最傳聞無不真憶從木天來文字稱國

小萬卷齋詩藁

卷九

二

珍薄植幸同調未敢追騏驎捧檄忽外遷違別成參辰
偶然獲良覲快吐平生因愿者語多質前席義一伸我
初入境時熙熙遊陽春下車輒尚爾歷久當倍淳譬如
牧牛羊適性歸擾馴勿爲繁劇累勿與追呼親勿使豪
猾縱勿畏長官嗔地雖屈孔道功宜及斯民經術飾吏
治始不慚儒臣河陽重潘岳潁川思寇恂古訓豈云遙
率由先拊循隔膜肯相視肥瘠判越秦嗟我黃金臺他
日勒貞珉俯仰莫隨俗旋轉如雙輪秉氣得雄直君本
關中人

白溝河

五代干戈際中原此劃疆議和增歲幣書表署兒皇割
地終何益防邊在自強

清時統區萬不必守河湟
沿河而南見水波蕩漾小舟往來頗具閒適之趣洒然
有懷

莽莽平沙闊清流到眼飛日斜帆影偃風緊檣聲稀老
馬方行役閒鷗早息機江南有煙水對爾欲相依

趙北口卽事二首

十里五里橋短長人家半在湖中央晨收菱艾暮螺蛤
門繫扁舟葦籬匝秋風零落荷數枝愁紅慘綠誰相思

小萬卷齋詩彙

卷九

三

暉暉初日散煙霧笑著芒鞋踏泥去

沿隄曲折船船通出港入港欣相逢綠陰深處剛轉柁

貧女簪花逆風坐南陔北際那可論太平樂住煙波邨

漁人兀立垂楊阪呼兒收罾共餐飯

獻縣弔座主紀文達公二首

飄飄丹旆早還鄉憶捧清樽奠路傍報

國名畱周柱史傳經士仰魯靈光才華獨出幽燕地政

府都陪弟子行

謂參知劉雲房先生

太息一杯成宿草空餘翁仲

立斜陽

甲科諸老盡名流

公甲戌進士是科得人最盛

公與王

西莊錢辛楷光祿錢少詹

最上頭

帝命通儒編四庫天雷盛典炳千秋文章白首扛龍鼎
公年八十餘壬戌猶作擬程三首風骨雄健少年應試者不及事業青雲付貉邱正是
寒煙蕭瑟候羊曇策馬過西州

富莊驛雨坐東姚秋農殿撰

文田

高空飛鳥急密雨忽紛紛暝色寒孤館秋心薄斷雲相
隨成伴侶此夕惜乖分卻似商山驛蕭然獨憶君

憫役夫

大府來大府來役夫不到嚴符催嚴符懼于官長怒捉
得田夫去充數田夫腹餓囊無錢朝朝赴役荒三田秋

小萬卷齋詩藁

卷九

四

陽苦暘雨苦濕走向溝塗窖中立窖中立行何遲卻曲
恐復遭榜笞前人息肩後人接雨汗淋漓兩相浹可憐
踟縮如湯雞努力不語吞聲悽骨肉猶然是人子爾獨
胡爲在泥滓吁嗟乎太平差徭尚不足何況漢武窮甲
兵隋場興土木

至德州有感作長歌

江漢船來未來吳越船回未回嵬峩大艚繫河滸泥沙
萬壘何由開

至尊乾惕爲旰食臺省諸公盡憂國不知孰是隨刑材
狂章虞余各分職黃流高似淮徐城蝸象白晝來相爭

因循更閱數十載橫瀾直恐從天傾
國家治河兼治漕淪濇頻煩下

明詔循環天意亦可知水力終當有消耗雲帆遼海真
險區波濤性命徒須臾年年折損適相準况有蛟鱷難
盡驅東南輸粟分宜爾庾億倉盈積如壘若使秬稻遍
幽冀萬世利源應倍蓰民生顆粒彌艱難承平戶口時
時繁中外毋致多棄地墾種豈不成滋蕃君不見井田
不可復溝洫猶可營鄭白之渠則諸古沃土千里皆能
耕書生腐論知無用閉戶妄思繡禹貢秋風漸冷河欲
凍顛倒深宵作驚夢

小萬卷齋詩藁

卷九

五

喜晴

鬱鬱連雲秬黍香郊原日出見新黃晴烘馬影鞭絲直
暝透蟬聲笛吹長壯志肯辭千里遠征程曾歷十年忙
頻來道路吾能識不是風塵卽雪霜

偶成

豐歲樂無事午雞時一唳柳陰垂路暗雲影接天迷古
巷聞牛犢平田絕畛畦深耕渾未解悵望夕陽西

晚至齊河

落日晚涼薄天涯來遠風客懷自瀟灑秋色正溟濛馬
誤三义路農歸一束稂齊州煙點點只在鵲華中

濟南行館作

十日馳驅五日閒，秋風屋角鳥絲蠻。
重簾寂寂無人到，一枕高眠夢故山。

題鄭板橋變畫竹

疎疎灑筆拂雲看，不與蕭郎鬪百竿。
二十四橋風雨夜，秋聲吹到綠窗寒。

闡中呈諸試官用坡公韻

東髮讀古書，青衿食官廩。馳騫翰墨場，嗜好夙所稟。
硯田力畊作，辛苦獲豐稔。憶歌鹿鳴來，杏宴叨再飲。舉筆媿塗附，經義猶拾瀋。忽荷

小萬卷齋詩藁

卷九

六

高厚恩，居然別流品。文章近多飾，色厲嗔內荏。淄澠辨其味，此事貴精審。將除茁軋習，險詭去太甚。白地燦光明，臨風好舒錦。江河氣浩瀚，往往雜砂礫。弱足輒欲追，長途鮮不踣。我識實禱昧，神明時自凜。心侔古井泉，勿使微波滄。遇奇卽欣賞，快若鳩得椹。二東本才肆，雄駿頗連袵。敢以弱騎充，妄意裁量朕。借用北史古弼傳語過眼終恐迷，諸君幸來諗。盤餐廣羅列，調燮毋失銜。中原音韻學，惜未諳周沈。闡卷詩多失諧美人語，聳牙施墻貌。亦寢金和諧，玉節詎可廢。彫鏤藻鑑願，同朗披衣忍。寒禁樓頭漏聲沈，鶴夢破孤枕。

次韻劉松卿大令加封闈中雜詠四首

入簾

清嚴鎖院啟蘭房，戢影重簾太自防。界劃鴻溝母履闕，

吟聯鴈序欲登牀。關情建業秋風健，謂同人應試金陵者話舊逢

壺勝日長。君本同館不獨文章兼吏治，花封處處問農桑。

分校

暫屈陳平作宰官，編排五夜漏聲闌。收掌邵大令延荆曾分卷最有法荆

山泣玉曾知苦濁水，求珠肯畏難雲錦。爛舒新樣貴霧

花深隱，老年看良工耿耿心。精現莫負風檐一字安。

薦卷

小萬卷齋詩藁

卷九

七

百鍊精光費重尋，無端躍出在鎔金。逆風恐阻神山路，

枯木誰憐太古音。上下平衡君早計，妍媸過鏡我何心。

洪鐘豈有錚錚響，願屏蟬吟與蚓吟。

得雋

泥塗霎忽判雲霄，得意秋鴻氣便驕。到眼時花供賞識，

回頭落葉付摧燒。三篇校覈情非刻，萬本流傳樣又描。

門外白袍猶想像，早鈴朱墨一條條。

放榜日作

樺燭千條照眼明，標題競向榜頭榮。高堂夜偃魚龍氣，

比戶晨占鳥雀聲。海內姓名應共識，胸中恩怨總難平。

諸儒漢代流風遠倘有傳經似伏生

文登畢生

亨

能通古學在孫淵如觀察

星衍

幕中余以

經策拔之揭曉時孫適在座爲之鼓掌因疊前韻呈

孫將弁示畢生

玉壺敢詡靜中明稽古功深合得榮近海偏隅知實學

通經博識雪虛聲議登虎觀差能稱材到龍門自不平

當日戴憑重坐席絳帷原是舊諸生

生逮事余鄉
戴東原先生

九日出闈赴宴先登明遠樓眺望疊前韻

矻矻披尋閱晦明莘蒿錫宴與

恩榮重陽肯負登臨興兩部權停鼓吹聲煙火微茫浮

小萬卷齋詩藁

卷九

八

郭靜鵲華縹緲接樓平年年此日黃花約細雨斜風客

思生

泛舟大明湖至小滄浪宴集二鼓乃返

湖光倒映天光綠更納山光入空腹山頭明月時時來

清光照耀湖天開平湖浩渺凌千頃記得江南舊風景

江南江北歌采蓮畫槳屢泛山陰船年來此地簪纓滿

攬袖登樓奏絃管蕭然野趣如滄浪秋風尚賸芙蓉香

菱絲纏絲蕩絲纈滑笏清流散珠屑可惜滿眼蘆花稠

濛濛舞雪飛打頭縱橫界破銀光鏡恰似穿花入蘿徑

招延暝色憑闌干霑衣不畏新霜寒我輩天涯作重九

共醉茱萸一杯酒
蘭亭觴詠今如何
高譚未已湖生波
夜深歸舟燈火亂
驚起魚蝦擻牙竄

會泉寺

雲水半蕭瑟
澹然清客魂
地憐荒寺靜
天幕遠山昏
倦鳥時依樹
殘荷欲掩門
詩情隨落葉
細共野僧論

北極閣

傑閣倚湖渚
城頭煙景開
涼秋誰把酒
落日此登臺
漁唱遠還沒
葦花寒欲催
無端感漂泊
爲憶洞簫才

維揚王鎮

題詩壁間自號二十四橋吹簫使者

學使錢黼堂師招同姚秋農前輩觀釣突泉

小萬卷齋詩藁

卷九

九

大聲如雷鳴
小聲如箭激
跳波三尺飛
雪瑩散作瓊瑰
向空擲
傷有蟹眼浮
泠泠酒槽溜
珍珠餅沿迴入港
益清駛藻荇
涵白菰蒲青
濟南名泉七十二
萬斛靈源不擇地
天畱此水垂
千春陸羽盧仝得
真味嘉禾使者如冰壺
颯然歸思生
蓴鱸坐間言及南歸之意
卻屏騶從
矢幽討竹筴欲剖坡
公符籠頭紗帽手煎茗
耳聽喧闐氣彌靜
道心寂歷空山中
自瞰澄潭抱孤影
春風座上尋鷗盟
赤壁二客欣偕行
平生雅志在邱壑
竊恐浣濯慚塵纓
清音何必絲與竹
兀坐苔磯把秋菊
禪房花木致亦佳
終日臨流意良足
觀瀾亭畔風吹衣
儵魚相對渾忘機

扶疎老樹下黃葉浩歌興
逐蒼煙飛吳興遺碑不可遇
壁間多和趙松雪詩原碑已廢

漫向迴廊覓奇句
前修悵望同襟期
欲踏輕莎涉波去
君不見平汀野鶴霜毛寒
泉上有來鶴亭

安得如汝閒
仰視長天白皎皎
俯飲一勺清潺湲

由平原至德州

路出平津百里閒
齊東一別少雲山
禾收迴野無遮目

柳受秋風欲變顏
白日孤城凌莽蒼
黃河舊迹賸潺湲

精勤考古儒生事
莫謂廝渠議可刪
孫淵如平津館文彙有禹廝二渠攷

於此地原委甚悉

途中見紅葉有懷里中諸子

小萬卷齋詩彙

卷九

十

紅葉晚猶燒
白雲秋正繁
西風吹古樹
野色滿平原
作

客思良友登山羨
故園菊花吟社起
誰共過高軒

宿河閒府考棚

軒車絕赫著鞭先
時公舍爲大府所據
避舍城東屋數椽
土壘堆

殘成退院文場戰
勝憶韶年傳詩欲問毛
公里倚市誰

輸姹女錢
暝火參差到檐隙
綈裘冒雪夢猶懸

過任邱路多積水
李令于培入見詢知被淹者四十餘

邨閫而賦此

瀾瀾衛河水分流
亘南北天行旱潦不可期
堰牖時聞

判淪塞洪濤保障憑危隄
下隰曠曠無溝谿歸墟納汗

向何處趣導東走仍回西漳南決口費防堵又肆憑陵
鄭州土追尋禹蹟胡蘇亭瀛海由來地如釜地如釜當
奈何前邨後邨連白波平田俄忽瀦大野藁東漂盡登
場禾輕舠來往若蒼霄屋脊家家泛鵝鴨天根已見多
漲痕預慮春疇失雲鋪行人躡屨泥沒腰策馬復恐車
輪膠綢繆未雨少長計長吏徒苦心神勞吁嗟有用成
無用不識西湖積菱葑周官蕩蓄制未湮萬古川原豈
能擁涼風颯爽黃蘆秋濕草尚蔽空城頭蹢蹢使者聊
諮謀告哀忍聽澤有鴈艱食可使民無鳩

歸途雜詩八首

小萬卷齋詩藁

卷九

十一

兩月

王程感歲流羈心遠水共悠悠賓鴻影裏丹黃色寫出
天涯一段秋

甲第誰家被繡茵虹橋往事已成塵登堂尚墮孤寒淚
莫問尋常陌路人

覽古郊原繫寤思曾懷兀塞欲傾危老僧背坐常捫虱
零落積垣信國祠

玉宇涵空萬象激輕颺料峭露華凝天公似惜征衣薄
馬踏初陽未踏冰

籜捲颺颺暮色昏橫斜一徑入孤邨兒童不解臨官道

自跨烏犍叩葦門

往還劔佩疊相摩通會樓前應接多

樓在涿州

分野有人占

象緯益州先識客星過

時遇史望之前
輩督學蜀中

一抹煙光耿碧霄平蕪隱隱接天遙幽燕自有沈雄氣

萬里盤雲起阜雕

西山日日望雲邊別夢高凌百仞巔一幅林巒濃入畫

螺鬟又向馬頭懸

用兒子鼎元韻勗之

平居努力簡編親苦守寒檠夜達晨千里別顏知憶我

一言提耳恥隨人菑能肯播呼螟切愛不忘勞舐犢真

小萬卷齋詩藁

卷九

十一

檢點巾箱將付汝青雲忍負少年春

卓海帆自關中回華山僧以萬年松寄李芝齡分得數

枝喜題四首

不解分枯苑天風鍊爾形蟄龍蟠遠勢拳鶴積修齡古

色畱雲白寒心漱水青芙蓉峯頂上夢裏尙曾經

石窟何年迸經秋未肯凋孤根成縮本素志託層霄謝

句攜誰去

君寄書以登華山
相誇并引太白語

秦山望不遙五株餘舊種

蔥翠此仙苗

野衲情猶戀迢迢寄數枝雪霜渾欲老猿鳥正相思榭

葉聲初歇梅花信未遲歲寒欣共把應憶使車時

我昔觀黃海空山對酒歌斷疑黃山僧名今不見連理近如
何鮮暈題名在苓脂閱歲多慙懃瞻勁節逸興滿煙蘿
長椿寺滲金佛塔歌

陰陰古殿寒松風老僧晝打闌黎鐘先朝法物至今在
孤標梵塔撐穹窿圍徑丈二高丈五積十三層植如堵
阿羅五百相周遭詭貌魑形目俱努水齋禪師行獨苦
辟穀燃香動人主登壇說破無生機散布天花亂飛舞
金冠紫衣多善緣勅賜少府司農錢虔爲聖母祝釐壽
浮圖八面條鈴懸凌空覆作扶桑甕下鎮重臺上充棟
捧持經卷當其前日取伊蒲獻清供是時神廟方倦勤

小萬卷齋詩藁

卷九

三

公卿章奏徒紛綸跣趺暝坐不知事舍利養就如來身
宮中迎佛親籲禱錦繡旛幢屢新造祝融淨域糜帑藏
欲普慈雲及三島事見米萬鍾水齋禪師傳略碑吁嗟費盡千黃金相

輪雷迹旃檀林緇徒膜拜呼萬歲吾皇大啟菩提心君
不見梁武舍身爲優曇焜煌毗舍江之南懺除干戈仗
佛力雞鳴寺裏荒煙舍何如慎惜大盈庫一塔中人百
家賦佛法焚頂尚可施况此區區滲金鑄我來摩挲凡
幾度太息長歌振庭樹當年只解崇伽陀眼見流民滿

衢路

觀前明太后畫像

并序

燕舟客話云長椿寺畫像二軸一爲明神宗母李太后一爲莊烈帝生母劉太后俱有標識今只存其一所題九蓮菩薩之位及崇禎庚辰年恭繪字俱無之當是後人重摹故未審爲何后也

飄然天人姿炯若西王母飛瓊萼綠華端嚴列左右不
加鳳皇冠毗盧覆其首不著紫霞帔袈裟被其手何時
費丹青流傳亦云久老衲爲我言此是前朝后慈聖喜
佞佛梵剎助施厚號比宣文君納誨垂厥後可惜青蓮
花槁作泥中蕩孝純在掖庭蒙譴嗟不壽孺慕泣思陵
音容辨誰某午門迓遺像六宮或曰否況經數百年皇
小萬卷齋詩藁

卷九

古

網已解紐豺虎昔縱橫滄桑違陽九因疑以存疑欲朽
母速朽錦暉猶鮮新漸覺面深黝金身一莖草永付比
邱守頂禮爇瓣香塵氛滌餘垢夕聞靈鼉鳴朝聽蒲牢
吼披圖細形相將問亾是叟

慈仁寺雙松歌

吾聞慈仁寺中有兩松遠涉金元舊植常蔥龍西高二
丈東可三四丈交枝偃蓋夭矯蟠虬龍山門擁護羃寒
翠廣蔭數畝浮煙濃往來公卿往往樂流憩沿及勝國
乃有銀魚繡鱗棲其中

周太后弟吉祥住持於此唐應德詩云繡鱗銀魚有故僧不

知何年忽遭鬼神怒帝遣雷公下取化作梅梁空毗盧

閣亦圯陀羅幢無蹤是物經今渺難覩始信神奇久處
誰爲容華嚴老宿發長嘆欲與造化爭成功移來靈根
此閒住眼前突兀復見蒼髯翁陽冰朔雪鍛鍊閩人代
當在華嶽七十有二蓮花峯其餘羅列如培塿低顏繞
膝皆兒童更畱參天枯柏屹相向皴皮溜雨與共凌殘
冬盤拏詰屈俯伏不敢仰放爲直幹恐礙雲霄重垂垂
羽葆積勢自宏達不然斤披斧削將毋曩日喬柯同當
堦蔽白日入戶排清風我欲炎天到此徑高臥孤懷儻
蕩一任波濤衝屬爾僧寮愛惜勤灌溉傳之幾千百載
永永無終窮

小萬卷齋詩藁

卷九

五

詠古雜詩八首

結交重黃金白頭安足恃趙李相經過刎頸卽同矢寄
奴真人豪百萬惟所使蕭齋獨危坐枕肱到經史意氣
無錢刀冰炭固其理雲雨手翻覆亦足懲素履吁嗟新
息侯明珠混葦苳

造物忌盡取天定人不勝壟斷亦何爲事事爭捷徑榮
名宜及時毋乃心太競變幻看浮雲貴賤皆趙孟人生
各異趣靜躁見真性順風揚江帆失勢成破甑欲速則
不達此語傳至聖河東固多才輕進世所病

我愛魯仲連拂衣輕王侯冥鴻天際翔寥寥遂千秋世

俗飾邊幅色莊體則柔下視衡門人齷齪如蜉蝣夜郎
自大爾焉能識神州文囿竄驚雉輒謂班揚儔虛美漸
薰心此亦家國憂

文章以爲贅末士好矜街上壽稱兕觥鋪張如史傳變
本復加厲曲藝時自薦絲竹到後堂扶風帳中醺戶外
嚴霜飛紅鐙夜忘倦筆瑟琶滌滔堙絕伎誰獨擅漢室貴
經術談諧有曼倩惜哉類俳優奏牘空千卷何況後來
者三語能作掾

名者實之實實至名自歸逐逐共馳騫壇坫爭光輝甘
陵及東林標榜無是非江湖有書買草木相因依公卿
小萬卷齋詩葉

卷九

六

亦耳食魚目充珠璣虛車飾輪轅仰慕初陽晞歌聲若
金石所貴知者希可笑吳中士清夜瞻少微
天地亦浩蕩勢迫途乃狹萬舟爭一門能無慮傾壓朝
中以弓楛華樂少相狎詩書可發冢茲理在目睫笑言
率爲僞顏厚原似甲入世慎交遊毋使虎窺柙不見淮
陰侯禍起足先躡

大道貴無我矯激非人情親舊故見遺借以鳴其清祁
奚能舉善比黨豈敢營朝廷戒私暱此事須持平坦懷
世共見衾影惟自盟亦有虛僑子佻巧攘高名江陵柄
國時彈者吳中行恩義可兩全胡不聞諫爭

性情見學問所恃惟一真豁達無掩著觀過斯知仁仁
義可貌襲道豈芻狗陳過謙或近詐矜察偏多昏握手
出肺肝氣味終不親涉世少誠信傀儡場中人淝水繫
安危捷書如未聞入門折屐齒此時心試捫喜怒亦虛
假謝傅非純臣

望雪四首

浮雲翳城闕慘淡日光陰釀雪苦連夜驚風吹滿林墮
枝猶戀樹偷羽早藏禽舊事頻回想樓頭勝景尋
枯冷不可耐硯冰終日薰壓頭無絮影戰手有波紋夢
憶探梅到心疑折竹聞水晶簾乍捲涼月白紛紛

小萬卷齋詩藁

卷九

十七

苦早江南北芳郊少麥禾懷鄉殘歲切待澤老農多莫
解泉源凍空祈土脈和家無指困米市價問如何

南來有鴈使聞已沛齊都被笮歡應洽驅車慮又濡遙
憐籥雲客正歷戴星途臘鼓皦皦響征衣得却無

胡兼山暨

家養泉鞠
坪方北上

送齊北瀛前輩

鯤奉

命冊封琉球便道歸省五十韻

帝治漸瀛海車書宙合遙雄藩虔率職累譯願趨朝族
極歡斯遠名殊突厥驕獻琛通正朔
頌瑞嗣宗祧土宇中山守泥封

上國邀邊疆初奏籲

諭敕遂宣昭鉅典稽儀部

榮恩選侍僚才英金鎖毓姓氏石渠標使節新三島仙

銜舊一條

德威揚月竈光彩燦星軺繡服兼文武封使例服麟麟取文武兼資意

綸音對

舜堯奇遊千載冠淑序九春韶故事猶排仗前行早負

彌東風催駿馬北里羨豐貂問舍詩題柳登堂酒進椒

儀瞻黃蓋覆曲叶白華調握籜還馨膳張颿欲駕潮幢

艫先日配甲冑幾番救鷁首臻安穩鴉班鬪捷趨海船司桅

小萬卷齋詩彙

卷九

六

者名鴉班記程無古堦祛浪有祥飈篋奉庚辰冊鉞移乙卯

杓旋螺能効順西藏所貢右旋白螺齊以渡海可靜風濤悍鯉敢驚跳照耀

紅燈現聯翩翠羽搖惟知天漠漠不覺水迢迢東帛當

空奠更香竟夜燒佛桑懸想像姑米近峇堯隊長方迎

詔禪房已駐撓封船到岸泊臨海寺滿城誇綵箔連路擁花鑣

寵錫王承貺絨開衆息囂升階咸舞蹈望

闕若雲霄輯睦

膏欣仰懷柔禮慎招直教炎徼鴈都聽泮林鴉時遣陪臣子弟

讀書太學蒞幕心嚴肅蓬壺景廓寥巖看鼉鼉聳筵備鯨鯢

饒細漏聞銀箭宮外有刻漏門嘉珍辨玉珧大夫親捧爵公子

善吹簫

國俗貴戚子弟習歌舞供奉王廷

漢列供甘茗

山南王故城有惠泉味極甘供

諸郎茗飲

椽圓咏辣蕎

邦人呼香椽為辣蕎棲巢多素燕捨地復文鱗

島中有魚能飛

語定詣蠻府歌宜譜漢謠周諮人攬轡博採士

舒翹失體須時凜同盟自久要清嗤巾戴項

球人以聲勢強派者

有戴網巾之誚乃前明謝杰充冊使時事

寶憶劔橫腰

國有獲劔溪

啟積

龍章護回舟蜃氣消輕裝傳陸賈異俗悉班超汗漫窮

觀後纏緜款話宵醪醢皆福壽

國人漬酒以飴黃者謂福白者謂壽鬚鬢

卽佺喬返

命歸姬絕成功類禹橈儒臣仍筆橐

聖澤又弓招授簡豪富浮槎壯志遼

小萬卷齋詩藁

卷九

九

君親圖共報柱史勒瓊瑤

陸地慈航行

并序

北地痘疹最劇貧家兒殤不能具槥好義者為斂而

載以牛車瘞諸郊外名陸地慈航余居都中自乙卯

春暨今年冬尤甚門關報數已萬餘哀之作是行

造物雖至仁有生必有殺上古氣醇厚人民無天札嗜

慾日深命如紙一邊生人一邊死貧家小兒殤八九溝

壑時時委骸舐行人睨視心有忡發願載入蔥靈中苦

海拯災難乃與慈航同慈航雖慈人不壽法雨空教灑

楊柳縱橫枕藉續牛後高極車箱露其肘悲風滿地慈

航過航人無楫如航何令我涕泗紛沔沱前乙卯後丁卯新鬼故鬼無大小不知了岸何時登萬點幽燐散荒草噫嘻骨纍纍車輓輓但聞牛鐸聲不聞送者哭

吳雲樵學士芳培齋中卽事

篋裏新詩似許渾春風笑語挹和溫鬚眉老尚冰壺色

雨雪稀無玉筍痕通脫性成恒曳履學士閒數日一訪余往往徒步

違時少輒開樽結鄰暮鼓晨鐘地殘臘當年我閉門居近

法源寺辛酉
余度歲於此

招學士飲再疊前韻

近市槽頭臘酒渾篝鑪潑甕火初溫襟聯歲暮關鄉思

小萬卷齋詩藁

卷九

三

筆輟天寒任凍痕心契幾人容共席手談終日耐空樽

學士不勝杯勺然樂
視同人酣呼無倦色凌晨雀噪前檐樹剝啄知應一到

門

學士見示和章三疊前韻

水茗相投兩不渾頻來座上積餘溫君房語妙皆新韻

少傳情多有舊痕研鍊京都勤翰墨時讀所作賦徜徉歲月

樂琴樽吾家喜得侯芭在奉使星槎憶劔門家濤生孝廉在座濤

生入蜀中籍學士
庚申典試所取士

遲胡兼山孝廉世敦暨家養泉鞠泮未至四疊前韻

南國花開別陸渾禦寒只藉一襦溫蒼茫紫塞先傳信

頤洞黃塵久染痕故里梅枝憑贈翁殘年柏葉待傾樽
江郎早問金錢卜屈指車輪定在門

丹哇善
占云爾

十二月廿五日作五疊前韻

迎春萬象啟胚渾六琯飛灰氣漸溫感觸華年如過隙
追尋往事不畱痕孤懷下里翻新曲樂地中衢設太樽
滿眼風光都自好天行帖子已懸門

謝馬臺卿惠琴魚琴箏六疊前韻

網薦春流未肯渾橋頭夜焙竈觚溫銀刀藥漬饒餘味
玉版泥抽賸斷痕仙洞欲移三月棹茂林須佐百回樽
桐曾媿積塵埃滿逸興南飛到鹿門

小萬卷齋詩藁

卷九

三

除夕七疊前韻

天心暗裏轉銅渾守歲人圍鴨鼎溫居近小街傳爆響
坐深良夜落鐙痕鴈飛屢寄諸兄札羔跪親承老母樽
一夕平分新舊候金雞唱徹聽開門

男起元校字

小萬卷齋詩藁卷十

戊辰

涇 朱珩 蘭坡

元旦陳鳳石至都仍用去歲疊韻詩韻

平生世事半清渾
兀對陳編竟夕溫
靦面喜逢元日節
搔頭驚染早霜痕
文章老閱三條燭
意氣豪勝五石樽
我亦煩君疑義剖
譚經庶不誤宗門

與鳳石夜話有感疊前韻寄培風閣諸君

半畝方塘雜土渾
山亭重憶石牀溫
堪憐竹瘦荷殘態
盡帶風披雨蝕痕
閣上千函成蠹簡
溝中一例視犧樽
古來尚費傳鈔苦
車馬喧闐太學門

小萬卷齋詩藁

卷十

人日飲家澹庵水部宅

元日爆竹鳴延響
及人日曲江嬉遊不得閒
日日奔馳馬蹏疾
今朝重續屠蘇樽
翩躚綵蜨頭上蹲
誰何得歲最先飲
兒童意氣驚雞豚
山雌野麋都入饌
雜坐賓朋盡鄉縣
城南不復求登高
嚮夕觀鐙市中遍
草堂題詩憐故人
故人尚在江之濱
元龍先生舉鞭早
石謂鳳努力看花洛陽道
洛陽道上煙塵開

御河柳色青欲來
屈指二日春光回

後日立春

春光何遲春

酒促灑水澄潭問油卜
我輩痛飲頗自豪
動念忽欲投松醪
君不見土牛已備門
外設蠕蠕蠖子休防麥
昨歲

三冬竟無雪

立春夜雪是日家省庵鞠汙雨孝廉至

役車方少休愁坐畏寒逼東郊忽見三素雲
藹藹青旗望春色春色已來雪亦來故園人
與春風偕歡然屣履笑相迂握臂欲共登春
臺關情只在慈帷中平安兩字

緘魚封瘵兒小小不更事羸弱恐被嚴威攻

兒子夢元擬同行以

病後不任風霜故尚遲遲

人生會有常千里每乖錯或遊明聖湖

湖養泉

或上晴川閣

兼山

妻孥衣食終累身浪跡江湘嘆萍泊甫

田歲取今何如得雪可使場苗蘇圍鑪暖脚凍醅發新

香聊薦春盤蔬高陽舊侶拌醉醕雪花方麤燭花燼春

小萬卷齋詩藁

卷十

二

幡春勝看幾回四載光陰條驚瞬深宵拉雜言無緒已
覺清輝滿庭戶牡邱曩日漸征輪夢裏關山尚辛苦君
勿苦我且歌謝公哀樂中年多

酒閒家僕來知兒子鼎元婦喪

豪絲急

竹何須感玉漏沈沈天更闌

東家虹橋孝廉四首

吾族盛儒雅矯然誰軼羣稱君爲後傑遇試輒前軍志
勿謀升斗光宜惜寸分杏花啟春宴梯可接青雲

邑傳錢人

麟

鄭志

相

如君等

又新編

新修邑志君與其役

左史如謀面

明經

暄洪厓欲拍肩

北江前輩

涇桐兩派水往復幾番箋

志中涇

水桐水爲

南江故道執簡陪從後三長知獨專

六六碧峯頭蒼茫身世浮登臨曾共我嘯詠恰宜秋日
落水如沸風吹雲欲流到今猶夢想重與話清游

此地息塵鞅枯僧終日偕關河憶清夜風月入蕭齋客
裏詩乘興春前酒散懷便應常促膝論古賞心諧

爲陳鳳石題閒窗日課圖

一日成一帙十日成一部揮毫落紙無時停晤對常親

古人古晴窗課經雨窗課史醯醢亦雜陳翫搜及諸子

探奇更喜羅長源奧義細剖爲補箋

君注
路史

刪除譎詭得

其雅葑菲下采同磨研君用目不用耳耳食焉能究原

委君用手不用口口誦焉能耐堅守山中有白雲落落

小萬卷齋詩藁

卷十

三

相與閒歷慣幾寒暑獨自扃松關培風閣上多琳瑯嘗

校一一煩丹黃開編魚豕諒無誤蛛蒙鼠嚙宜深防惜

我逐車塵披吟苦不暇善本或偶逢頗嗜秦人多淮南

鴻寶尙可窺醴酒千鴟問君借借君書見君圖蕭然笠

屐追髯蘇揖君上坐出君篋真本依舊齋葫蘆君不見

國家祕省羅萬種策府真堪百城擁置君石渠天祿閒

當使積卷如邱筆如冢

次韻答虹橋四首

君家屋外小溪分半納山雲半水雲少日未諳車馬苦

長風初趁鴈鴻羣塵容對酒心猶繫草色經春氣漸薰

料得錦囊新句滿郵亭呵筆凍生皴

濫廁承明亦可慚時時聽鼓赴朝驂石巖雅集勞懸想

君同馬臺卿等讀書石山金簡珍藏羨縱探領袖鹿鳴方沛上傳聞

鯤化已溟南余在山左鄉關為憶連牀侶謂君兄選臣秀才接

跡天衢作美談

經年講席晚來收倚樹揮絃濕翠流君館於旌邑從廬郡隱士學琴三

徑埽開風雨夕七條彈徹海天秋誰傳指法薜蘿子欲

署頭銜瀟灑侯望盡滄波聽古調成連倘許共扁舟

一陣東風兩槳調高懷攬勝到金焦來時偕友人登金焦二山為言其勝

停帆媿我前遊促著屐輪君舊伴邀瘞鶴銘應搜古蹟

小萬卷齋詩藁

卷十

聞雞話尚戀寒宵琅琅此際多清韻月照蒼松雨滴蕉

悼族子楷堂秀才廷模四首

不信龔生天驚傳一紙書輩流奚有此門第竟何如懊

惱仙花幻蹉跎賦草虛禮堂曾手授愁絕舊山居余壬戌假

還曾授以經義

聖室傷心再靈輻又送兄連遭二親暨仲兄喪屢教膺大戚難望

保餘生譽擅童烏儁神憐叔寶清可堪埋玉樹天末不

勝情

宛水攜游日停驂古寺中癸亥夏與俱赴宛陵奚囊鈔藁滿容枕

夢梁同世事悲籬槿天心付爨桐他年倘重過淚灑竹

林紅

我滯燕山久郵筒見汝文挑鐙經點竄輟筆惜精勤鳳

子先隨露龍泉未決雲數篇畱筭篋休等羽陵焚

時寄文一

卷披閱
尚未竟

玉鐮至都見示近作用墨莊送君北上韻二首

龍門百尺久攀條

君近歲從
洪北江遊

忽漫相逢別恨銷遠道浮

塵驚滿座新詩積卷讀連朝吟花杜曲紅牙管泛月秦

淮碧玉簫

集中有看牡丹
秦淮泛月諸什

天末可知人竚立暮雲千里

夢魂遙

金臺耐慣朔風寒不定萍蹤得暫安歲月奔馳成老大

小萬卷齋詩藁

卷十

五

江山壯闊足游觀蕭齋一席分槐國

甲子過夏
君居余宅

梵宇三

秋共菊餐賸有當年湖海氣南溟手把釣鰲竿

偕洪介亭孫少蘭葛西薌

方晉
棟香
方履

昆仲李芝齡

卓海帆家詠齋遊釣魚臺聯句

春氣滿西郭

介亭

楊柳垂半綠積潦紆坦途

蘭坡

停車度深

澳疊崦若連驥

芝齡

澄湖有飛鵠波沿浮藻橫

淪蹙古樹色濃發

詠齋

層臺勢高矗眺野同寫心

西薌

登岡

試馳目杳杳天光虛

棟香

溶溶雲影復四圍靄遙岫

海帆

千

里曠平陸宿雨清洗塵

蘭坡

輕颺暖吹服投林展茵席

介亭

藉地脫冠幘碧淨彌薄陰

詠齋

紅篩漏晴旭燕語鶯語嬌

芝
過花香草香郁韶華悅嘉暢蘭坡逸趣滌煩燠寒食節已

過少修禊事當復境僻無管絃海帆人間此風浴枯槎低

可踞齋詠淺瀨近堪掬空明鑑鬚眉西儻蕩濯纓足中流

誰鼓棹棹隔岸少聯轂牧馬散郊坰介亭觀魚想濠濮振

襟快礪礪海帆舒嘯動崖谷米老袖藏珍山有異石爭拾而藏之蘭坡

橘叟碁鬪局西薊自攜奕枰與芝齡對局展欣短莎踏詠齋鉏欲新筍

刷汲泉淪旗槍西拾薪煮醺醪列坐縱談笑少蘭前陳雜

肴藪拇陣興愈酣棹吟懷韻頻促簪盍徑三益芝齡觴引

溪一曲浩歌樂洪醉蘭坡歡宴契休沐舊侶茲勝游海帆名

園昔幽築此地曩爲元人園林嚴闈喜不遠詠雅賞期更續麥隴

小萬卷齋詩葉
卷十
六

趁歸鞍芝齡斜陽照原麓介亭

送江丹畦南還四首

就養君宜去臨歧我又愁白雲依子舍青草趁官郵對
宇憐同伴尋芳憶舊遊故園勞悵望吾欲上高樓

放眼驚天地生涯一酒杯世情雞肋戀歸思馬蹏催讞
劣徒蒙惜疎狂恐見猜陶家松菊在急爲翦蒿萊

直道行吾是探囊不厭慳胸中少城府屋外富溪山莫
澣塵霑袖猶憑藥駐顏獅峯棲息地君曩館余族中獅峯經塾好鳥

亦知還

送客春明日偏逢又送春春光畱不住客意別猶親戴

笠乘車誼閑雲野鶴身
巴山他日憶翦燭話前因
東玉鏤天凝寺再疊前韻二首

天街踏遍巷條條
避跡禪房蠟炬銷
對榻有人皆酒侶
開簾無日不花朝
六時氣靜雲堂磬
三徑魂孤月夜蕭
倘許羊求相過訪
城南尺五路非遙

風景蕭疎暑亦寒
洛陽閉戶臥袁安
塔懸倒影憑誰考

寺前有塔其影倒垂於大士殿見帝京景物略今殿已廢
臺踞高層快獨觀

寺高敞昔人恒

登覽於此前明區大相有臺高薊北門句
窗外岫分僧眼照
案頭書出佛膺

餐名篇絡繹須傾篋
進步猶期百尺竿

兒夢元來奉家慈
回里送別後車中述懷四首

小萬卷齋詩藁

卷十

七

髻齡繞膝兩慈闈
五載燕臺只獨依

余本生家慈在里門

地北天

南增望眼薰風又送板輿歸

傳來錦瑟絕么絃
夙性薇柔劇愛憐

次兒鼎元婦爲家慈所愛聞其喪遂

決計南旋
禽向不妨婚嫁累
卻教哀樂感高年

親恩未許脫微官
鄭重孱兒侍燠寒
我意原無他語屬

時時祖竹報平安

翩躚乳燕亦隨行

時攜幼子起元偕行

飼棗餐黎日在傍
賴汝承

歡聊慰藉登車揖
別莫牽裳

東墨莊三疊前韻
次首爲題遊廬山詩

倦翼歸林自隱條
青山坐對旅塵銷
異書倍讀欣餘閱

今歲閏五月孤館長吟獨永朝猴刻棘端勞魯削鳳鳴梧上
應秦簫蓬池久待成清課馬首西風望不遙

潯陽江上暮濤寒元傲詩情涉建安杖屨一生遊興劇
煙雲千疊畫圖觀道逢鄭谷心同寫君同年鄭夢白為辨遊裝天遣

匡山色可餐媿我車帷常閉置疎慵睡足日三竿

偕同人訪玉銑於天凝寺置飲竟日得詩六首

帶郭依叢薄蕭然馬不塵寺深雲罨屋僧懶鳥迎人作
達邀仙語後樓舊為狐據離羣仗僕親最憐風雨夜燈火逼吟

身

一徑入濃翠離離花影橫亂泉凝簞色高樹隱鈴聲野

小萬卷齋詩藁

卷十

八

曠煙都澹堂空夢亦清雙松堂名今不見訪舊若為情

寶界莊嚴地銷磨不計年土封殘碣沒塵累廢樓偏滿

貯經三藏經為正統開刊高投佛一錢寺有大佛擎盃人多以錢投之臨風吾

欲感且復枕書眠

往事紛流水禪牀與細論國師開府盛姚廣孝曾居此宗師府額尚存

常侍戒壇尊寺又名廣善戒壇前明修葺皆出內官監繞壁蒙蘿蔭侵堦漬

蘚痕只堪消永日閒犬臥當門

遠綠牆頭罩西山落袖中浮陰千里合雅興七賢同脫

屐藉幽草呼樽驚野翁清狂容我輩耀首石榴紅

暝色垂將到高城賸斷霞涼生初伏近客坐夕陽斜後

約盟鷗鳥良朋醉菊花諸天超物外竚望思無涯

天凝寺浮圖歌

八柱擎天矗天起交龍銜銜掉其尾周垣如載鬼一車
白晝陰森粟生體四面嵌爲門巍然竦立天王尊四隅
琢爲牖菩薩低眉列前後其上白雲層復層疊檐盤拱

無從登飛騰竟欲插鵬翮俯踞絕頂高峻增茲塔肇自

開皇年安奉舍利求福緣顆粒足鎮須彌山

續高僧傳自舍利到

前山恒傾搖安塔竟山動自息

紅光紫燄紛爛斑禽魚草樹狀非一瓊

宮貝闕排神仙是時徹夜香鐙灼千萬椽櫨綴鈴鐸天

嫌梵唄音不清下命阿羅奏靈樂罡風吹息自終古編

小萬卷齋詩蒙

卷十

九

磬編鐘一齊作君不見兵燹不能摧塵劫不能災突兀

平原衛幽薊勝勢欲壓黃金臺吁嗟人世如轉燭寶鼎

壇端緬遺躅

壇上曩有鐵鼎入今無存

披圖載誦華嚴經

接引佛殿後懸寶塔

圖上書華嚴經

已有莓苔縹寒綠感嘆今昔捫觚稜昂頭仰視

長空激祥霏擁護鳥猶戀薄暮成羣舞歸燕

塔頂時有燕飛舞

寄家養泉大令杭州卽題其紀遊詩草六首

旅跡蕭蕭盡楚吳新詩一卷酒千觚舊遊只憶黃山路

峯頂蓮花掇萼跼

鴈行幾載惜情分官閣相依尚有君雪後大觀臺上望

燕山遙隔暮天雲

時在靜齋二兄署卷內有與靜軒三兄雪後登大觀臺作

畫槩凌波自盪搖
夜深明月舉杯邀
梅花一樹蘇祠畔
我亦高齋夢六橋

踏遍西湖湖上山
杖藜人似老僧閒
胡麻飯熟仙桃放
可向天台叩玉關

嘉禾校士復吳興
君應嘉湖二郡校文之役
不獨文章彩燄騰
煙雨

樓頭雪溪外一時好景付行滕

繞郭潮聲動地雷
登高壯觀夕陽開
試將八月校生筆

題到金陵塔上來
今歲將應試金陵

長日偶書

炎歊欲避竟無緣
手把金鰲一朵蓮
雨漬漏痕新葉墮

小萬卷齋詩藁

卷十

十

風扶絲影病蟲眠
攤書意倦醒猶夢
對客談深日似年
去信苦多來苦少
家山常落枕函邊

五鼓出西便門作

萬戶寂無聲
城頭月華滿
溟濛辨林綠
野色倩誰管
螢

火聚一星亂
蟬嘶亦懶微
聞暗泉響穿過竹籬
短長安

塵海中車轍
何時斷我來興頗孤
寥寥燭光伴羅衣
受

濃露天曠風不暖
振策凌陂陀
猶嫌馬蹏緩
卻見賣瓜

人乘涼守町疇

飲天香樓觀荷遇雨

綠葉疎疎雜霞綺
一片芙蓉貼寒水
芙蓉花開猶未開

天教急雨先相催人聲無多雨聲鬧驟打新荷劇清妙
花魂待我來何遲欄前滿酌花一卮嫣然笑破紅蓓蕾
醞釀湖光變香海湖光點入浮漚圓有蕩如臂菱如拳
鴛鴦翻飛鷺鷥浴潛隱花叢伴花宿看花人影驚遊魚
跳波戲雨餐花鬚座上酒客衣半濕花亦隨風散珠粒
須臾雨止雲復輕趁興更踏湖隄行長安登樓人幾箇
我欲擎花柳陰臥

觀荷之會趙孫沅孝廉

祖慶

卽席成詩次韻

神仙拄杖駕蓮舟引我尋芳上酒樓雨氣逼人涼入坐
花光凝水澹宜秋蟻浮白墮情如夢蜂戀紅香意亦愁

小萬卷齋詩藁

卷十

十一

欲問萬春園舊蹟

元時萬春園新進士宴聚之所

煙波真擬曲江遊

疊前韻二首

生涯不繫若行舟撇斷紅塵是此樓菡萏千枝延晚照
陂塘五月迓新秋蒙煙水色澄漣暗帶雨山容遠黛愁
便覺南湖風景在聲聲畫槳鏡中遊

不是山陰夜泛舟登臨欲賦仲宣樓水蒸花氣芰衣爽
風冷酒懷蓬鬢秋北郭探幽增逸趣西涯訪舊散清愁
明李文正公故居與此地相近林宗墊角吾何敢暫滌煩襟作勝遊

卽景

一碧如煙影上紗槐花落後更無花階前只愛饒生意

細雨凌晨學種瓜

雨窗三首

忽覺羅衣薄蕭蕭溽氣忘屋禁風勢厲園引鳥聲涼貯
溜初添甕盤渦欲受航捲簾邀舊雨閒坐話農桑
一氣鬱昏昏空齋晝掩門白分煙遠色青破草新痕
隱當檐避蠅驅上壁蹲不知人海裏家在水雲邨
几硯都畱潤閒情獨試毫小窗欺日暗疎樹襯雲高
簞貼如冰竹盤登已雪桃尺書終不達三月夢魂勞
天凝寺外晚步眺西山

一重安榻一重菊澹白深紅閒濃綠幽人延綠綠上衣

小萬卷齋詩藁

卷十

十一

鐘聲已歇蒼煙飛疎林暝合天意靜倒轉千峯萬峯影
雲頭忽起昂如人欲下不下山之根山容杳藹雲容變
天外有山皆隱現冥冥天壓山不高芙蓉上接紅霞燒
霞收雲散山更碧稍賸殘陽塔尖赤

是日同人於寺中團坐竟夜有作

禪房寥寥夜漫漫烏雀不鳴星斗燦夜深暑退風已涼
靜覺一院含花香縱橫短榻都廢寢射覆分曹費精審
坐久不復煎新茶奚僮亂壁背門瓜燭光似豆天似水
卻見賣花人亦起惟餘塔鈴三兩聲野塘代報蝦蟆更
欠伸徐行辨檐脊曉色朦朧誤將夕

曉望再賦

黑雲漫山吸山入山皆橫臥雲獨立溟濛不知山四圍
露草黏天氣猶濕風驅雲動雲半開曉日已透前山來
忽截山腰雲一束山若無根與天屬天畱隙地容山撐
羣峯亂插如筍莖峯迴倚壁推雲墮雲海浮空見青朶
邈迤南下天更長薊門煙樹森蒼蒼平原萬綠接山足
積勢欲奪濃雲光清光徘徊縱閒眺人聲漸起喧衆竅
一碧遙林聽蟬噪

玉鑣以憂急歸送別惘惘情見乎詞歸而紀之

偈仄復偈仄低頭血丹臆相顧盡吞聲慘澹少人色馬

小萬卷齋詩藁

卷十

三

嘶意可憐僮僕面皆墨燕越巨關塞縮地何能得身在
神已離夢中生羽翼含飯若親侍魂飛總帷側倉皇見
星奔恨不窮日力長安幾回別舊事堪記憶驅車國門
外遇或感通塞削杖今忽扶欒欒遘艱棘遮畱悔塵網
見我惟引慝我情入肌骨往救徒匍匐溽暑嗟如焚尚
慎眠與食毀性難勝喪慈孝兩失職勸君還自淚摻袂
眼頻拭人生不滿百強半積憂抑誰何凌紫虛浩然三
嘆息揮手從此去望影倍悽惻天心亦知苦白日光欲
匿千里屯層雲蒼茫雨無極

雨夜憶玉鑣二首

寒鐙照影坐深宵舊雨連牀亦寂寥何況淚河孤館注
暗風吹破紙蕭蕭

沈沈小院不聞更只聽空階滴溜聲仰首屋梁杯共把
愁霖蕭寺昔年情

雨歇

凍雨晚來歇風慳雲尚癡穴深藏蟻密檐濕臥貓危埽
水漚同散焚香篆漸移攬衣階下步青到豆花籬

雨中陳紫庭大令

聲通

招飲陶然亭作歌

黑蟬出洞歸無窠長空日日揚清波溟濛濕霧藏羲娥
銀蜃一瀉聲滂沱沿街涸轍流巨河口吐背汗嗟疲羸

小萬卷齋詩藁

卷十

十四

濁水濺衣泥沒鞞輕車下上危盤陀乘興載酒江亭過
高臺占得新涼多朋儕倚檻長咏哦雲陰密布城之阿
白點亂打如拋梭坐覺窪壑生千渦野塘惜少珠翻荷
叢蘆遍畝青婆娑迎風拜舞紛傴僂插天遠樹頭亦頗
非秋葉已辭寒柯西山依約嘖翠蛾窗外不見撐嵬峩
圖成沒骨迷陵坡使我兩眼頻揩摩孟公酌以金叵羅
倒盡百榼顏微酡循階欲踏庭中莎關心稻隴披綠蓑
慇懃問歲今如何歸來滿徑鳴蚪蚪拍手且和銅鞮歌

夏夜雜詩六首

濃雲氣靄綠莎廳黯黯窗紗不辨青螢火一痕飛上屋

樹梢添箇小明星

一檐急溜響丁東身似滄江臥短篷夢破五更孤棹轉
蕭蕭蘆荻雨聲中

苔階夜夜水痕添滿壁盤蝸坐不嫌老屋一鐙紅欲暗
青蟲無數撲湘簾

牆陰草密怒蛙跳兩部居然鼓吹聒長笛數聲人更靜
碧空如水遠迢迢

天放清光一番新與君惜別幾經旬鏡奩耐守團圓影
明月多情似故人

老樹中庭矗影雙輕寒料峭逼銀缸隔牆絡緯聲聲訴
小萬卷齋詩藁

卷十

五

先報秋風入北窗

苦雨遣興二首

苦雨連旬水氣圍高槐壓檻綠如幃蜘蛛網濕招雲補
蝙蝠巢傾借樹依茵出棋頭圓作盎苔緣簾角厚成衣
長街小市無乾土隔斷車聲客到稀

噩夢驚回耿一宵歸禽刷羽共譙譙青油幕覆新添屋
白板扉橫暫架橋孤榻屢移愁艱短垣先坼感漂搖
披氈戴笠吾何恨只慮原田萎黍苗

立秋日喜晴三首

滯靈天亦厭驅雨藉秋風烏度高城外雲歸遠磧中玉

階催蟋蟀金井報梧桐萬景自澄爽煙霄空復空
一院清無漲門庭認舊蹊忽驚芳草歇先透曉寒淒濕
牘蛸吟露懼騰雀啄泥我廬猶宛在聊得穩禪榻
霽光兼顥氣同到葉飛初槐影屋頭仰鴈聲天際舒開
窗延晚照檢篋曝殘書更喜平安字迢迢寄鯉魚
答馬臺卿促遊二牘作

城東景物足清華柳岸爭容繫客槎風雨滿天誰覓路
水雲隨地欲浮家詩尋綠渚情尤急酒賞青帘約不賒
坐待金飈祛宿翳伊人逸興託蒼葭

聞楷堂姪病中妻胡氏割股和藥進之卒弗救其情可

小萬卷齋詩藁

卷十

六

憫也爲表以詩

區區一塊肉冥冥三尺鐵割股已傷撫腸腸欲絕妾
夫但願須臾活妾有肌膚妾能割銀刀出篋輝素光弱
腕從容執其末吁嗟夫命成懸絲力所可救夫何辭顚
天自誓避人拜暗中只許神明知揮刀搯肉赫然墮漬
血模糊帛潛裏容顏黯黯無吟呻強起猶喂藥鑪火藥
鑪火細肉不焦篝鐙隱壁愁風飄扶頭手進羹一匕還
丹或似醍醐澆醍醐安作青囊用草木無靈人亦共築
里微察始得真哀感窮途倍增慟事雖未濟心則那千
鈞一髮將奈何天陰雨黑臂瘡發回看霜刃如新磨古

來人情聖弗禁婦孺尤堪見純性輦禱已結同死生倘
遇倉皇志先定雖然此舉終近愚殷勤屬爾畱殘軀短
衰被土憐遺孤若雀翼卵鷓哺雛忍聽夜半唳呱呱
憶金陵舊遊二十首

瓜皮艇子渡江遙劍篋書囊氣自驕行近石城楊柳綠
櫓聲低入賽虹橋

寒潮上下沒新痕欲攬城南野色昏日落渡頭鐙影出
游人爭趁水西門

長千里畔雨花臺手汲清泉瀹茗杯不盡蒼茫千古意
江流一帶抱城來

小萬卷齋詩藁

卷十

七

窈窕禪房倚綺闈紛紛掃榻亦畱賓閒情獨上浮圖頂
不訪成都賣卜人

章臺走馬上天街綠酒紅鐙泥客懷二十四樓何處問
繁華猶道舊秦淮

兩岸清歌隔絳紗凌波照影晚妝斜珠簾掩映成丁字
一陣風香茉莉花

青溪畫舫彩鳧飛夜靜新涼透葛衣明月漸生邀笛步
十番絃索一齊歸

桃根桃葉最多情博得王郎打槳迎寂寞無人誰喚渡
微雲薄靄不分明

三山門外盪輕舟霧鬢風鬟憶莫愁肅拜武甯平聲遺像
在英雄兒女共千秋

孟蘭舊俗結茶緣綵幔周遮錦袂聯踏遍六朝金粉地
清涼山下草如煙

碧空萬里廣寒秋譙鼓夔夔筆陣休結伴淮清橋上去
遺簪墜烏五更頭

邢園已過復隨園曲港迴欄繚短垣只覺詩翁居處別
人間便是武陵源

無梁古殿燦丹霞坐久僧寮靜不譁賸有聲聲絲竹響
苔階細聽撥琵琶

小萬卷齋詩集

卷十

六

曉風半捲後湖波高閣凭闌看芰荷一段澹香千頃水
秋光收入錦囊多

雞鳴埭口望平蕪結綺臨春尚有無零落臺城甃一片
野田漠漠宿飛鳥

鍾山邈迤闕幽宮隔代薪樵禁不通一徑斜陽人獨立
蕭蕭石馬臥秋風

朝天宮裏廣庭寒玉匣珠襦幾處看逢著羽人先欲問
可曾疑塚學曹瞞

十畝畦開野樹荒居人指點說滄桑青青只有瓢兒菜
舊府當年異姓王

房廊曲折罩炎輝到眼叢叢錦繡圍一帶暮煙芳草碧
東花園近管絃稀

蕊擗人爭快著鞭錦堂高會宴羣仙回頭往事渾如夢
一別江南十五年

齒痛

人身亦藏蠹有隙卽穿鑿剛做柔乃存堅骨口能鑠初
苦頭岑岑兀坐慘不樂闖然獨翹出列次遂參錯蒂缺
根尚附稜稜露齟齬恐梧桐枝秋來遽隕穉我年未
屆衰一个先已弱中虛卦成坎酒盞輒填壑相依如輔
車此去彼欲作前軍旣震撼衆隊難立腳捧頤內自訟

小萬卷齋詩藁

卷十

五

欺我胡太虐用爾雖頗勤策勳豈云薄饗飧供晨夕任
汝貪合龠時或進肴馐恣汝屠門嚼餅餡裹紅綾沁汝
錫瑤爵與汝性命關何弗終結託平生汝儘知入世恒
檢約不敢肆雌黃嚴霜淬廉鍔不敢效諧媚齟齬工笑
謹臭味忽差池聲牙竟遭削回首憶年少斑衣初舞勺
萬事總無愁得食階除雀野老類牛疇童心每嘲嚔轉
瞬及身受刀圭覓靈藥韶華感奔馳霎若電光霍將毋
韓昌黎四十早搖落

圮牆歎

晴雲起不晴雨雲起又雨蒼天竟成漏媧石何從補幽

房仰首透虛亮，床厠參差漫支拄。夙聞蟻鬪能潰隄，况
茲浸潤皆沙泥。垣墉不慎多置塊，往往中空外填碎。壯
夫努力歌登馮，踰日輒作梁山崩。有如陣移脚士卒，遽
離叛又如枝墮巢禽鳥。各分散愁城，兀坐聞轟雷。惹得
兒童急呼喚，積椽敗甃堆滿庭。不獨人犇鼠亦竄，欲防
胠篋門雖關，依舊通達無遮攔。居塵鱗接難畫界，東家
還見西家餐。吁嗟廣廈思大庇，百萬生靈竟安濟。倉皇
小定神，復驚比鄰新築重。欹傾沈沈湍瀨聲，尚瀉天末
長風振檐瓦。

七夕詞二首

小萬卷齋詩藁

卷十

二

木連理禽比翼，郎跨烏犍女工織。天心亦苦逢閏年，秋
期欲到重遲延。同心下應昆明石，兩地相望常脈脈。連
宵驟雨紛滂沱，銀潢水滿橫素波。橫素波渡無急恐，到
中流蘸衣濕。何不奏綠章乞天愼，涓滴

橋南烏橋北，鵲鳥不孤飛。聲亦樂纏絲，始信天有情。浮
楂欲問嚴君平，一回相見一回喜。何況人間別離子，家
家兒女堆瓜盤。庭前再拜終無言，終無言。心自禱，不願
天孫賜神巧，願得如雙星。靡無永偕老。

秋日詠物詩八首

秋花

戰雨搖風後孤芳漸欲摧伶俜猶抱蜨晚只依苔影
弱扶難起心寒澀不開春情誰記憶待放菊叢來

秋草

一道青猶在天心爲汝畱屐痕閒蘚徑袍影澹莎洲細
雨全迷路斜陽欲上樓平原淒冷色隱隱入邊愁

秋樹

滿院增蕭瑟清陰蓋不交病先凋雨葉涼欲瘦煙梢綠
黯蟲畱網黃疎鳥露巢夜深風響寂攀望竚堂坳

秋瓜

壓架垂初重經園摘已稀千條編菜町五色積荆扉冀

小萬卷齋詩藁

卷十

三

野方成澇齊民定苦饑冬來畱旨蓄抱蔓且言歸

秋蟬

倚樹低吟歇殘聲亦可憐濕禁三伏雨寒破五更煙鍊
氣綈難老藏身蛻欲仙金莖霏玉露供汝飲涓涓

秋螢

肯作依人計孤飛竟少朋風吹輕似葉雨過冷如冰暗
室光猶朗疎簾氣不蒸素羅休更撲畱伴讀書鐙

秋蚊

擾擾眞何益終宵隔帳紗嚼膚虛破夢關口老生花得
雨聊爭聚成雷漸息譁螭螟亦相笑莫漫負山誇

秋蛩

萬籟同吹息何曾訴不平忽增良夜感先繫故園情澹
月三更落微颺一徑生蕭寥檐宇下聽汝此時聲

同邑諸君聚敝齋爲詩文課余亦擬作課後兼以暢飲
天涯故鄉之樂不可不誌也疊韻二首

秋風滿院起微涼不是詩狂亦酒狂千里素交皆里閭
一生清福只文章逢人刮目新花樣引我驚心舊戰場
袞袞諸公臺省客奎躔到夜合騰光

詞壇老境閱蒼涼話到襟期喜欲狂刻燭風流爭迅速
操觚意氣待平章馬肝有味誰知品牛耳何心敢據場

小萬卷齋詩藁

卷十

三

鏤盡精神急須補金樽激濫恰浮光

孫應坊校字

小萬卷齋詩藁卷十一

戊辰

涇 朱琯 蘭坡

泛舟二牖作

清溪綠淨不可唾倒碾天光劃雲破橫隄唯見石盤陀
背郭豈知塵堀堞衰葉隔岸黃樹樹老鳧凌波白箇箇
颯爽荻蘆花已飛溟濛楊柳枝猶慍滿川幽草鄉思動
前路野煙篷影過吾儕樂水憩礪泉此地連山運杭稗
職非駛粟媿求飽時且銜杯避霑沉儻懷莫問誰主賓
豪氣何須有監佐長歌共歡帽先落劇飲拌醉斝屢臥
浮家小艇未容帆昵客孤禽將入座十里五里高堰斷
小萬卷齋詩藁

卷十一

一

千聲萬聲虛籟和急槳纔衝玉鏡平殘陽早落金盤大
樓頭鼓響恐城鑰市上鐙明速車簸歸來酒膽尚輪困
聊出新詩洗寒餓

復次胡兼山韻二首

一道沿緣曖有聲澄觀遠景自心平迅風吹野葉初落
寒水滿湖雲欲生縱擢混茫隨岸轉褰帘依約隔溪明
年來日日車箱裏但遇煙波夢卽縈

促坐金樽盪盪開觥船恰與水濼洄空明眼界天爲幕
浩蕩胷懷海作杯秋到新晴將半過客逢舊雨已重來

星馳一去無消息

謂玉鑑春
日共遊此

竚立原頭暮色催

路出西便門訪翟述庵孝廉

發宗不遇

精廬避跡樂幽棲爲訪詩朋繞郭西積水浮橋衝路斷
層陰匝野接天低綠侵老馬緣苔壁黃覆孤禽立菜畦
泉響轆轤蘿徑杳到門凡鳥敢輕題

偕李芝齡卓海帆家詠齋游西山道中有作

空山寄遙夢竦削入雲表俯視皆混茫九州亦云小談
奇遠理策我馬輕且矯出門西向笑樂意動晴昊年來
久閉關愁霖日縈攪樓頭幾回望秀色餐可飽澗壑苦
未經雕劂昧天巧朋儔忽興發夙志遂探討昨聞水調
歌時八月十六日屆此秋光好宿靄淨寒樹飛煙伴孤鳥爽氣
小萬卷齋詩藁

卷十一

二

前爲迎不踐紅塵道清風颯然來芙蓉手欲拗懸知據
巔頂一碧墮深杳洞扉訇爾開松花覆瑤草萬木聲已
寂高臺月出皎造物啟圖畫幅幅雲林藁

過石龍溝

側徑緣孤繩山容忽破碎片石勢飛動層雲起其內巖
絕兩壁立崔嵬土恒戴鬼神守陰崖終古不敢敗陀陀
凹復凸轉入井陘隘馬力亦告乏懦若蛇倒退塵世多
險途鼓勇老行邁但作平等想萬事總無礙出谷天朗
開劃然分兩戒四顧迷人蹤瑤琴瀉寒瀨

循山徑至戒壇寺

不坐籃輿不扶杖
芒鞋踏破成長往
滿路秋槐送清響
披襟喘憩乘西風
腳底已覺寒煙空
蒼然暮色來遠峯
藤蘿迎面勢彌陡
奚僮在前馬在後
十步過行九迴首
山僧竚客闌
干凭石磴一層雲
一層到門曾次先
峻嶒周廊紆回繞
將遍金碧浮光啟
蘭殿高攀井幹神
亦眩紛紛膜拜瞻
檀那時邨人多赴香會者選佛場上香飄多口誦般
若頂欲摩吾儕入戒
曾不戒誤認龍華
赴良會登壇獨望青天外

臥龍松

舒其臂哆其口高枕空山屢昂首
拏雲攫霧蟠蚺風

小萬卷齋詩藁

卷十一

三

雨時時聽鳴吼飄落松子大如斗
鱗鬚開張電盈畝夜深明月來
化作支離叟蒼髯吸盡長河酒
澗底歲寒誰與友千年虬幹長
不朽天上老龍無此壽龍兮欲騰松
欲走回頭試問看松人能似臥龍岡上否

活動松

千枝萬枝相糾纏一枝忽動羣枝連
全身只以一髮牽精神合併根株聯
爾非紫薇花欣然笑不禁搔爬爾非
常山蛇擊首尾亦同鉤拏稜稜勁節
朋從附娒拖回旋八風舞宿鳥不敢
棲其樹吁嗟跟腳立未牢隨人俯仰
如桔槔空歷歲月繁柯條我語山僧
毋屢搖畱此偃蓋

參雲梢君不見韓宣譽樹祝勿艾枝葉有害本將撥松
如久動松不活

松下望月聯句

層臺月出羣峯高

蘭坡

銀光照地窮秋毫

詠齋

禪扉夜闕人

語寥

芝齡

虬枝偃蹇松陰交

海帆

山空籟靜風不搖
但見

雲海生波濤

詠齋

砢然長嘯蛟龍號

芝齡

上有老鶴驚離巢

坡憑欄萬仞意氣豪

海帆

帆舉酒酌月月欲招

蘭坡

滿身清映

如瓊瑤

詠齋

便疑吸露凌紫霄

芝齡

仙心仙境同飄飄

蘭坡

清

涼世界誰能邀

海帆

天爲我輩供此宵

蘭坡

祇園暫息塵袂

勞興酣筆力欺風騷

詠齋

坐久霜重寒侵袍

海帆

帆鯨鐘忽吼

小萬卷齋詩業

卷十一

四

僧相邀衆星耿耿回斗杓

詠齋

詩魂久與山靈要

蘭坡

縋鑿

古洞期明朝

芝齡

宿寺中西院次詠齋韻

僧寮靜契夜如年枕石神遊太古前老樹盤根青覆院

高峯攝影碧摩天窗虛不礙工延月榻淨無塵細滄泉

怪底心空除幻夢山中抱得白雲眠

曉起登千佛閣眺望

高凌傑閣俯嵯峨萬里平原曙色過檜柏連山真綠海

魚龍動地小黃河蒼茫瑞靄籠城闕颯沓涼飈起礪阿

漫指前峯稱極樂登臺此日意如何

將遊太古洞以雨不果

登山歷屨屨入洞探窳窳欲窮清淨源須鑿混沌竅傳
聞此奇突坤維啟其奧隔宿趣徒旅先求導師導老僧
頗不然見我頭屢掉三月苦霑霖秋來未收澇濕雲最
深處泌澑成水窮燭武思縷城欒鍼恐掀淖列炬雖可
窺燃犀究難照輯中驚斷蛇霧裏隱文豹客意宜少安
春光待將到知止斯免殆傷勇豈蒙誚微雨俄復零濛
濛灑烏帽芳草路誰問天亦戒無躁邈若太古人秉性
本孤隋心遊羲皇前殊非近時貌陰森甘獨處故爲祕
神妙黠猿守當門不肯輒宣召萬事留餘慎勿詡高

小萬卷齋詩藁

卷十一

五

踏譬彼武陵子迷津終返擢平生香火因何妨再三造
荒苔幾瞻戀禽向莫相笑

冒雨過羅睺嶺

陰雲罩層岡低空鴈飛急行滕忽結束苦向僧借笠草
草出寺門裳衣已漙濕秋山雨益奇前望如弗及巖腰
巨礫嶺南北同岌岌捫壁幽以深千重躡苔級輿丁踏
崖罅凜若膚起粒怪石當面橫孤撐作人立屏息不敢
嘯恐是龍所蟄天際飄風來隱聽山鬼泣密林融冷光
聲靜氣亦澀放眼極蒼莽羣峯競相揖

山行喜晴四首

嶂霧散何處天光窮四垠斜陽烘柿子宿雨醉楓人荒
寺地尤僻老樵情亦親看山喜無復一過一回新
秋色入平野攬幽心不違碧煙遮路斷黃葉著身稀草
密蟲喧語風高鳥倦飛凌崖瞻下界羃歷遠邛微
髣髴斜川道嵐霏翳復明遠空清不障深谷綠爲城壁
削誰畱字峯多屢問名風塵吾已飽只喜倚山行
濕露浥濃翠閒花猶滿蹊蔥蘢忘遠近犖确任高低樹
古雲藏了泉微石礙溪招提已咫尺隱隱晚鴉棲

潭柘寺

前峯後峯皆層岷中有邃谷長銜谿山高無風林木靜

小萬卷齋詩藁

卷十一

六

直幹一一撐華簪千章不見排老柘楓杉合抱兼榎枿
戛玉叢篁擁虛閣暮雨浥潤朝煙含殿前銀杏亦神物
蒼鬱翠色當空參翳柯歧分得所附如大國魯平莒郊
天爲靈境挺奇秀曲折繞遍流泉甘淙潺四時響無絕
石槽上覆苔與薄塵囂到此已凝寂但聽幽鳥鳴咕喃
我來尋勝訪舊蹟抵掌頗快枯僧談上涉元始僅彈指
幽州未立先成庵華嚴祖師曾掛錫尚畱姓氏傳瞿曇
蒼龍夔屈匯禪窟百尺觥沸窺寒潭登壇說法擊其頂
皈依蓮座同繭蠶無端平地湧鴟吻飛上殿角猶哈哈
李唐至今幾何載終古不改青蔥嵐草樹垂綠巖壑碧

清景髣髴江之南平生五岳苦難眺杖策蠟屐意亦姚
韜光寺裏覽湖海軒轅丹鼎親窮探若以山水論廉讓
取雖未多心則貪閒居二仲欲偕往松菊野徑誰開三
淨域徘徊輒深戀生涯合寄彌勒龕風旛演偈空樂譜
忽驚噩夢微聲錯盪胸層雲契遼曠茅柴且沃匏樽酣
觀元世祖像

像四其三乃后
與太子公主也

仗劍出沆海七尺昂藏軀幹難河之源天遣膺赤符軍
威震中外埽蕩同孤雛奕代英風垂隆準宜獨殊秦王
有真氣戶牖驚遽遽無端袞龍袍乃與緇衣徒一家親
眷屬萃處精監俱日月配後宮前星燦東儲娉婷列末
小萬卷齋詩藁

卷十一

七

座女亦爲英茶林立大士前花雨諸天濡老衲揚佛法
指示誇凡愚將毋夢金人丈六來休屠終古緬遺像不
敢蒙網蛛同泰真捨身視此當何如

元妙嚴公主拜佛輓歌

晨拜佛夕拜佛此膝年年爲佛屈朝家富貴自有常顛
佛何曾福田乞蛾行蒲伏亦可憐一心只在青花輓拌
教五體盡投地肌膚冰雪空嬋娟不聽景陽鐘乃聽東
林鐘玉釵金鈿誰爲容清嚴戒律矢無悔回頭肯返板
房宮古來太平安樂誇豪侈穢迹彰聞汚形史孤標獨
出綺羅叢貝葉長擎佛前跪拜佛雖無詞感佛當自知

生死未離輒一尺想見頂禮焚香時精誠貫輒輒欲裂
更閱百年輒亦缺纖綆斷幹理則宜應慮珊瑚骨先折
九蓮菩薩哀苦辛貯匣寶若連城珍流傳紫柏係以贊
匣上有紫柏禪師贊至今隱現雙趺痕君不見桑維翰視幼安榻
手所磨研足所踏嵌空圓竇周四匝我奉儒書佛母佞
分陰愛惜志宜競運甓者誰陶士行

枯柘

環山竟無柘攀折美先盡枯株歷千年古意未灰泯去
節尚磈砢雷皮亦癭胗堅若柯爲銅濕詎土生菌橫陳
殿西偏周遮界欄楯無端費鑿鑿幻作獸躡箕不惜失
小萬卷齋詩藁

卷十一

八

真面炫俗殊可哂我生讀異書識謝張華敏華表卽能
照老狸頗堪憫姑存此舊蹤鼎彝略相準摩挲經幾度
物理感凋殞何處起寒煙秋風忽淒緊
由寺後登山

浮空晻靄間陰晴接到嵐光便有情靜狎逸禽迎石路
濃團幽樹送泉聲老藤帶露鉤衣澀圓橡乘風落帽輕
不覺疎鐘沈萬壑冥冥已界上方清

龍王堂外望東南諸峯

一峯麾欲去一峯招欲來屹立四山中九疊屏風關聯
絲勢如展俯與兒孫儕培塿亦橫翠齊向東南排疎雨

洗髻螺不肯蒙草萊崢嶸露石骨處處巖巒皆窅窞若
洞天隱現深林隈雲容怪癡懶日夕宿斷厓蓬蓬抽亂
絲已起仍遲迴須臾忽分散突出青崔嵬瀉入幽壑底
頗似濤瀾積諸峯更蒼然顛氣凌金臺戶外燦羅列時
值飛鳥回秋光強半過萬象成清佳西風颯以至木葉
勁未摧壯觀天地閒磊落披襟懷高歌叩閭闔盡埽濃
陰霾千里混遙碧數遍峯頭堆長松撫其頂延爽挹茗
杯坐久變態多寒衣染莓苔

龍潭

蒼龍出洞復入洞洞底浩如天宇空蟠身斂氣知幾時

小萬卷齋詩藁

卷十一

九

長夏炎蒸水猶凍居人禱龍龍亦靈得勢輒駕行雲行
梵王宮近不敢肆當年曾聽楞嚴經池塘八角清流匯
一勺原能變滄海潛淵尺木只尋常閃爍雷鞭忽光彩
我欲求其珠探領未睡將何如我欲將其鬚泠泠石髓
終有無且喜潭中醴泉出雨收風定恒淖滴平生濟物
本天性渴飲奚憂怒遭叱擾龍豢龍今何人但見逐隊
遊金鱗憑欄切莫輕掣尾都是南溟老龍子

自龍潭緣澗行水石之勝爲西山最幽處

山泉出山攔不住白石縱橫阻其路石伏如虎昂如龍
百折始見泉流通泉流有聲石有罅激作輕波向空射

冷欲透骨清沁肌潺湲濺上遊人衣澄光滿地鋪銀汞
細數沙痕亦浮動泉響愈厲神愈恬垂紳盡挂珍珠簾
珍珠簾下成潭洑石髮隨流散濃綠一泉一石都在山
石終不去泉不還泉行啣石與石語放我飛騰灑甘雨
玉龍峽 并序

峽舊無名同人因溯泉源復循而下見石壁巉削中
凹爲槽水不自槽行轉噴激注石上音如琴筑亟往
探之則蔓草叢叢滑不受履蓋曩無至者以是嘆清
絕之境湮沒於荒榛宿莽聞爲不少也旣久憩岸上
乃名之曰玉龍峽而系以詩

小萬卷齋詩藁

卷十一

十

龍行方躩踞峭壁破空起橫腰束其勢倒作三峽水三
峽水流飛雪濤石將翁受窪爲槽倔強之性能拒石不
割其腹凌其脊乘高下注如建瓴跳波噴沫何時停融
成一片懸瀑布忽化浮煙散輕絮非絲復非竹漱玉皆
清音泠泠似盞菩提心卻教寂寞在空谷謝公屐齒無
人尋吁嗟勝境翳榛莽鑿險雖勤亦徒往我欲刻石與
水盟品題爲爾垂聲名千古遊人視此峽玉龍會見生

鱗甲

海蟾石

竊藥廣寒宮潛身海門島六丁奉勅求飛作雲根老

鷹嘴巖

朝見蒼鷹飛暮見蒼鷹宿何時擊凡鳥且蝕苔痕綠

歇心亭

心歇泉不歇泉幽心亦幽我心只一心泉向東西流

延壽塔

塔後有金僧重
玉摩厓詩刻

延壽佛不壽浮圖鎖午午誰與摩厓詩崢嶸共千古

蛇匣

大青昂其頭小青曳其尾爲龍復爲蛇只在須臾耳

蓮池

池中種成瀉盃中擎出蓮蓮花倘復開太乙將乘船

小萬卷齋詩藁

卷十一

十一

將下山枕上聞雨

情難久住何妨住夢與幽禽惜欲分夜半有聲初覺雨

山中無地不生雲百盤路滑慳遊興三宿緣深滌俗氛

異日西窗重話舊清音定憶枕邊聞

馬鞍山

行空有天馬蹀躞不可羈長風動巔崖颯颯聞驕嘶紫

林絡石燦如錦卉木掩蔽成障泥岡巒已起旋復伏巨

靈鞭長纜及腹誰能御此覽八荒千仞壁立疑騰驤君

不見山爲鞍雲爲馬天遣尻輪驟其下顧視清高垆之

野昨宵凍雨驅靈蔭山不爲馬將爲龍

西峯寺

松陀旣巉巖羅睺亦峩峩西峯踞西山是我還爲我澗
泉繞巖麓時見碧雲墮橋頭灌莽深叢叢寺門鎖訪舊
增感歎阿房一炬火唯餘兩浮屠終古常破礮斷碑已
斑剝誰爲剔蓬顆勝寒池未枯涼颼吹澹沱丹林正蕭
然自覺風景可當檐鳴腳樹到地垂婀娜虛牖蔽綠陰
下堪百人坐投筇久徒倚亂墜懷中果

別西山

我自來西山清景無不有不獨地秀天亦靈風月雨雲
盡消受掬泉坐石石欲溫淨洗肺腑能輕身伊蒲齋中
小萬卷齋詩藁

卷十一

十一

供蔬菜喜與山僧相晤對山光英英各殊態戒壇占高
邱潭拓瞰幽宅曠如奧如心共適戒壇松根古潭柘竹
籟清空山草木與有榮超然引我煙霞情竭來忽被斜
陽送未得勾畱水簾洞千年蝙蝠前途飛白雲攬手猶
依依回看上山下山路歸向詩朋指遊處

重陽前一日天凝寺僧贈菊

歷擔何須競衆芳蕭齋點綴亦風光贈來荒寺客同瘦

開盡晚花秋已涼懷我故人成兩地

玉鑣前寓寺中約於此時爲菊社今

南歸故

不復赴賴君明日作重陽閉關懶赴東林社孤負駢筵

酒一觴

月夜飲同年黃嫌芝

中傑

園中二首

滿城風雨盡天遣碧雲藏明月有寒色好花多暗香恰
分秋影瘦差覺客心涼繞樹閒吟嘯南飛鵲幾行

隔巷尋黃九風流愛物華小園清不俗良夜靜無譁飲
劇露能耐談深星欲斜前期笑相約又醉紫藤花

趙象庵舍人

賦

宅看菊

幽房暖護錦雲窠不盡秋光小院羅終歲苦求佳種得
滿身潛受晚香多緣深性命花成癖意懶逢迎客任哦
我欲移家牆外住東籬載酒日經過

野望

小萬卷齋詩藁

卷十一

三

木葉蕭疎野氣清郊原獨立迥含情雲歸遠岫寒雷影
鳥趁斜陽暖弄聲叢葦滿車堆吸峨晚菘當戶曬縱橫
菊人不解看秋色卻怪閒身屢出城

酒史歌爲吳環若秀才作

我愛陶淵明獨酌棲柴桑我愛王無功高隱居醉鄉平
生作達聊復爾俯視一世元非狂繫阿落落隨所遇十
丈紅塵拂衣去清風明月供遨遊曠蕩深知酒中趣延
陵有畸士眼白何曾青特立少儕輩相對惟麴生左抱
緝壘右杯杓抗懷今古歌且罌置身百尺高樓巔肝肺
槎枒露芒角聞君善書兼善詩想見脫帽揮毫時詞源

倒流筆橫埽乘興滿泛蒲萄卮君不見李白詩成傾一
斗張顛草書墨濡首君今擅長良亦難三絕書詩兼有
酒古來飲者其天全意氣突兀凌蒼煙杖頭常挂青銅
錢頭銜自署何翩翩清既不爲聖濁亦不爲賢但願酒
史名流傳在人閒人閒何處祛煩惱只有習家池畔好
舉酒先拌玉山倒郭外田得二頃餘種秫多於種秔稻
吁嗟酒史非凡才我欲共築糟邱臺琴高峯勢森崔巍
攜壺挈榼陟其頂眼前有酒當如淮大笑一飲三千杯
魯孝子詩 并序

孝子名元曜昌化人嘗割股療母疾後父病數載廣
小萬卷齋詩藁 卷十一 十四

求方藥遂精於醫父母沒哀毀尤甚武林修郡志以
索貨弗得軼不載然則幽光潛德竟歸湮鬱者可勝
道哉其子孝廉邦華哀事狀來乞詩爰爲賦之

峩峩瞻雲樓 樓爲孝子割股處 親舍依白雲白雲戀邱園上奉

昏與晨鞠我有恩拊我有恩兒身父母身庭闈忍視常
吟呻不可爲子不可爲人 一解 嗟我母疾不愈禱於天淚

如雨夜半居樓中浩氣驚二豎磨刀霍霍割左股我心
則甘體無苦 二解 體無苦烹作糜高堂食肉如食飴刀圭

有術真能醫掩袂切恐家人知家人盍其腕謂柳生肘
成瘡痍是時孝子年十九不知有身知有母 三解 嗟我父

病未瘥服勤三載不解帶稽首扣岐伯瓣香欲分派養
親益慎情益真靈樞素問旋通神

四解

淒風吹寒泉古木

慘以懷父兮母兮劬勞太甚哀哀勺水何敢飲墓爲廬
由爲枕祥禫旣逾虛內寢孺慕終身出天稟

五解

世俗愛

髮膚安謂斯人愚千秋懿行矜鄉閭惜哉志乘遺不書
峩峩瞻雲樓巋然靈光如榱桷隱有神明扶白雲覆屋

無時無六

解

冬夜二首

空林靜無聲衆鳥逐雲散疎簾剛半捲仰視星已燦井
闌染霜華凍結何時泮天高氣亦肅撫景寄清玩綠陰
小萬卷齋詩藁

卷十一

五

不可尋流年暗中換邏卒走鈴擗沈沈隱斜漢旨酒聊
酌斟呼僮添獸炭吁嗟龍馘子短布纔至胔

明月鑿薄帷流光極幽迥寒衣欲誰寄美人翦刀冷颯
颯吹涼風排闥力初猛何處怨橫笛蘭缸自清耿遙夜
息塵喧但覺蘿徑永鴈聲渡河去飲露鶴傳警逸思紛
如雲江南萬重嶺懷人不成夢獨坐抱孤影

送聞賚書大令

時濡

之官吳門

君居杏山麓往登花山嵐鄉心宦跡兩無忤生涯總在
江之南江南佳麗紛似錦不向伊涼忍寒噤

君例赴關中改近地

九重天上鑒烏私特許雞鳴問安寢版輿來往路不遙

循陔豈獨攀蘭苕義方垂訓卻封鮭繭絲肯竭民脂膏
竭來投筆君勿嘆但展牛刀功亦半十載風塵已遍經
君情只我猶能算我昔識君燕城隅紅鐙綠酒相歡娛
三生杜牧牽舊夢撫懷惆悵成詩臞君昔待我揚州郭
流水行雲忽期約扣舷倚柁發高吟坐對斜陽片帆落
君今捧檄姑蘇臺當年我亦曾徘徊潘令新將種花去
合補鄧尉千株梅北風捲地飛白雪旅鴈南征人共別
偏教攬手春明門禿柳無條不堪折金閭亭畔逢我兄
意氣磊落宜班荆陟岡瞻望心怦怦爲報長安依舊冰
壺清

小萬卷齋詩藁

卷十一

六

同邑諸君集馬仲蒼孝廉

書翰

宅課文余懶不復作賦

此奉呈兼贈仲蒼

高齋獨闢城西隅囂塵市遠門無車紫藤樹古脩竹瘦
結鄰喜與名泉俱扶風主人好儒雅萬斛詞源倒傾瀉
天涯邂逅得新知快意同盟赴鷗社紛紛文戰羅縱橫
滿座盡作啞唔聲隆冬天亦布溫燠蜚廉屏息無能爭
于思棄甲容我懶不握青蓮夢花管庖丁絕技猶藏刀
何況汲深漸綆短憶昔傾蓋初逢君阿咸講席稱嘉賓
謂家西浦宣武坊前數談讌雪泥鴻爪畱餘痕犇輪十載成
契闊日日相思甚飢渴照人肝膽如平原仰視長空素

襟豁君不見良朋夢裏曾相尋意氣把臂將入林不如
文字爲知音華堂新釀一杯酒興發山公欲濡首譙鼓
響急鐙不輝駑馬已促孱兵歸諸公埋頭慎無遽明且
冰牀冒寒去

尋萬柳堂遺址有感

平泉往事已荒涼滿地寒冰接野塘詞客賦成畱舊草
御書樓在倚斜陽拈花古寺烏棲樹

堂捨爲拈花寺今亦廢

種柳

空隄豕牧場當日制科壇拈盡更無人問魯靈光
庭中有二雀失羣夜棲槐上詩以哀之四首

喳喳送喜苦辛同賸託枯枝嘆轉蓬天意亦憐三匝繞

小萬卷齋詩葉

卷十一

七

月明終夜息西風

回首枋榆舊侶違一雙比翼倍依依空庭耐盡霜華冷
不忍分張各自飛

覓食荒郊已失林離愁尚有戀巢心斡幪欲乞槐安國
早向東皇借綠陰

卻似孤寒逆旅人鐙前對影共誰親何時大廈成相賀
廣庇千閒到爾身

陳鳳石學博五十初度寄示感懷詩次韻二首

回首春明柳弄絲塞鴻兩地悵分馳太邱道廣先求友
文舉才高欲喚兒駿驥何心甘阜樞靈鯤有路奮溟池

詩人五十聲名起

唐高
達夫

莫戀青氈作學師

紅塵日日拂華韉不盡鄉心入暮煙雲嶺

君居
地名

花繁春

欲到雪窗月冷夢相牽居鄰老衲陳千冊

時讀書
僧寺中

誼比

諸昆長十年吾輩食貧原有素屋梁猶賸幾錢

來書
有憂

貧意
故云

悼族孫霽嵐明經

宗慶

六首

負劍童年憶超然便不凡清才傳社會夙志勵經畝嶺

上梅初發風中柳忽芟白骨期許杳搔首愴彭咸

萬事都隨遇天教異溷茵文章關壽命選懦懼沈淪積

健如之子逢艱竟不辰茫茫何處問獨立亦傷神

小萬卷齋詩藁

卷十一

六

蕙榻開

天府名將上選登罡風吹退鷓鴣水阻搏鵬中惜畱侯

誤知邀貢父矜

丁卯南闈已列魁選以次藝微疵
置副車座主劉金門前輩深惜之

至今

遺鉅製空博士林稱

闈卷沈博絕麗
見者皆為扼腕

建業扁舟返高談與俗諧

聞金陵試歸舟中談興甚
洽抵家次日即病遂不救一

朝成病劇千里望音乖汗漫憐謔語愁憂積鬱懷不堪

嗚咽響門外水泔泔

俯對南山籽西河痛眇絲鐙前紛老淚篋裏賸殘編歲

月原多耗精華不忍捐汗青宜有日詞苑倘流傳

其父
璞園

將刊遺
文以行

拉雜中年感三春哭阿宜

謂姪楷堂

金甌方落葉玉樹又摧

枝舊館徵誰秀寒宵益我悲蔥靈空就道掛經尚無兒
太平鼓辭

范以金蒙以革圓如月扇裁素魄綵繪彰施柄盈尺迴
旋下作弓一彎刀頭搖搖連鐵環度語似兆征夫還征
夫還滿衢路背負靈鼉飾朱鷺朱鷺曲本饒歌來當年
戰鼓轟成雷長戈一掃風雲開珠旗在前錦衣後百年
流傳亦云久博得兒童六街走方今四海無欃槍迎寒
聽遍瑟瑟聲紛欲逐隊隨鐙行君不見黃桴土鼓安耕
鑿農人吹豳初息蜡擊鼓毋忘太平樂

小萬卷齋詩藁

卷十一

九

送家樸園通判南康

通守稱吏隱此語吾所嘲一命亦有濟隨地施牛刀藹
然三春風披拂舒鬱陶毋獨箝紙尾闢葦甘閒曹天庾
况正供江滸連巨艘顆粒係民食俯拯哀鴻嗇曾聞淮
沂康輿人知頌褒劇劇若忠恕體國心神勞雅操肯矜
翽物外徒逍遙或者政化行餘事爲遊遨南康古佳郡
壘嶂重湖遭彭蠡百萬頃朝夕飛雪濤栽栽香鑪峯倒
挂銀河橋錦屏排九層噴瀑千珠跳白鹿蹲洞戶景仰
宗風標緬惟周夫子家住蓮花劫治績垂當時奕葉猶
宣昭蒼生旣同憂嘯咏名自超君昔應徵辟

王路將翔翽盤根鍊筋骨始得居端寮半刺已足尊隼
旗行可邀倘蠟永嘉屐豈不凌青霄念我逐塵網邱壑
契素交蕭寺憶羈棲共聽荒雞號殘年忽言別累日斟
松醪門外雪片麤難使車輪膠執手話前期五老宜相
招崖巔揖匡谷磊落氣頗豪遠躡楚狂蹤壯觀成長謠
畱題遍巉巖勢與廬山高

立春夜雪

東風欲入早梅新餞臘占豐例有因

今歲正月立春是日亦雪

三尺

倍添前度雪一年還見再來春搖紅燭到深宵暗縹緲

樽同遠客親

時錢別家撲圍

坐久沈沈虛籟靜詩朋更憶駐雙

小萬卷齋詩藁

卷十一

十

輪

謂胡墨莊將至

雪後出郭門眺望四首

一角礬頭馬遠山秋風杖策憶追攀微茫細辨來時路
可有幽人踏雪還

陰陰滿眼玉花封馬耳雙尖慘不濃天末夕陽寒作色
濕雲畱宿最高峯

古幹槎枒鳥不巢飛靈糝屑兩相交橫斜一縷痕微綠
壓住炊煙挂樹梢

凍斷河流細響無清光一片沒平蕪崢嶸只有天疑塔
削出冰條插玉壺

歲暮雜感四首

閃閃搖銀海風饜雪虐天門閒逃熱客榻冷耐矐禪志
氣三千牘光陰四十年霜髭驚上頷萬事讓入先
息轍時孤坐終朝念舊閭衣畱慈母綫篋檢哲昆書北
道身猶託南天望總虛不知馨夕膳強健更何如
磊落空懷抱拈毫卻懶題材虞成襍散夢欲寄槐棲病
婦艱參尤嬌兒覓棗梨呻吟猶未已又聽耳邊嘯
苦乏謀生策迂疎世所輕眼前皆俗狀身外卽浮名適
我安鳩拙求人恥鼠營素心堪共語聊與酒杯傾

孫應坊校字

小萬卷齋詩藁

卷十一

三

此詩... 卷十一... 三... 歲暮雜感四首... 閃閃搖銀海風饜雪虐天門閒逃熱客榻冷耐矐禪志... 氣三千牘光陰四十年霜髭驚上頷萬事讓入先... 息轍時孤坐終朝念舊閭衣畱慈母綫篋檢哲昆書北... 道身猶託南天望總虛不知馨夕膳強健更何如... 磊落空懷抱拈毫卻懶題材虞成襍散夢欲寄槐棲病... 婦艱參尤嬌兒覓棗梨呻吟猶未已又聽耳邊嘯... 苦乏謀生策迂疎世所輕眼前皆俗狀身外卽浮名適... 我安鳩拙求人恥鼠營素心堪共語聊與酒杯傾

小萬卷齋詩藁卷十二

己巳

涇 朱琿 蘭坡

上元鐙詞十二首

皓月初圓第一回華鐙照徹

帝城隈天公似放光明燭欲與人閒鬪彩來

火樹崢嶸貫九枝颺輪暗轉一絲絲無端幻出魚龍戲

博得兒童贊偃師

蒙紗翦綵燦叢叢獨洗鉛華表素風鋪遍木棉花萬朵

一團晴雪玉盤中

百尺長旛冪曼殊金錢競向佛門輸法王喜現莊嚴相

小萬卷齋詩藁

卷十二

一

瓔珞垂垂一串珠

城南到處鼓歌逢簇錦攢花氣倍濃排隊霓裳齊舞蹈

太平萬歲字當胸

酒社清聲競此宵游人冉冉踏星橋青驄御史無呵殿

一路摩肩聽玉簫

投瓊入市鬧蜂衙坐待三更靜不譁雲外綵棚高擁出

一盤煙火百筒花

巧謎藏頭頗費猜天街鶴立共徘徊詞臣結習終難忘

象管螺丸賭俊才

星毬買得炫比鄰寶馬歸來惹暗塵兒女家家燃鶴燄

夜深獨拜紫姑神
閒坊曲巷盡經過
只隔嚴城問若何
明日滿街看蠟淚
四牌樓下舊痕多
鼇山結綵樂年豐
御苑風光更不同
海外名王都列座
蓬萊頂上瑞雲紅
簪花小髻手攜籃
記得童時駕簾驂
漏箭沈沈河漢轉
銀鐙影裏望江南

胡墨莊至都寓居城北奉柬二首

天南望影恰情親
漫喜西涯結比鄰
行樂地成耽寂地

閉門人憶買山人

謂玉鑑

何緣覲面猶牽夢
可許論心只

小萬卷齋詩藁

卷十二

二

隔句僕僕羸車君莫厭
良朋強半聚郊闔

研精祕閣墨頻磨
百五春光奈若何
燕麥搖風誰共感

鶯花選日此當歌
酒兵磊落前期在
文陣縱橫舊侶多

冒雨不辭重攬勝
天香樓畔萬枝荷

君寓近十刹海去歲觀荷遇雨於此

三月三日借同人僧寺看花作

清遊歲歲沿成例
一度尋芳一神契
暖風吹徹賣錫簫

天氣熏人竟如醉
城南何處浮金樽
禊飲同踏青草痕

風光如此忍孤負
看花亦足清心魂
新鶯在樹剛百轉

綴錦摘霞目空眩
樊亭海棠爭出姿
早被東君細勻面

穠華姪姘偏僧廬
幽房曲院無差殊
層陰翳地勢低壓

處處賴有輕雲扶沈吟忽憶鴻印迹紅杏青松展圖冊
圖藏崇效寺去歲曾題名其上飛騰老輩多妍詞紙尾鈴名緬遺澤今
年花好春不寒晴烘日影花鬚乾蜂團似織絮交撲斜
枝繞遍橫闌干靜數流年鳥嘯促夜深只合燒銀燭何
須高宴結錢龍得傷名花卽奇福君不見法源寺裏

蠻輿來

此日幸寺中拈香駕花神奉

詔先爲開豈有羯鼓鼙鼙催指點山門向西去芳郊寂
寞祛煙霧欲奏通明顯

天顧屬車塵後花騎聯桃花酒熟酬花前花前坐久花
共語三十六天散花雨

小萬卷齋詩藁

卷十二

三

姪女順姑殉節詩

并序

余從兄瑞雲公女字於胡夫世汴客漢陽以疾歸躬
湯藥唯謹久之不起女覓死者數姑與母婉導之乃
視夫殯繼兄公子爲嗣絕粒死其兄鈺爲徵詩

妾夫理囊囊生別尚有期妾夫臥牀褥死別將誰依妾
旣失所天妾亦非長年金刀截斷鴛鴦絃總帳忍聽淒
風寒夫病妾亦病伉儷由來本同命夫逝妾亦逝鏡匣
當年結深誓視夫飯舍延夫宗妾事已畢妾可從皎如
白日懸高空嘉木有連理腐草無獨活殉夫何嘗詭奇
節盈盈淚眼濺衣血勺水杯羹不能咽強起猶爲姑母

說感姑意憐母心晨昏非不念妾志成堅金吁嗟平寡
鵠飛孤鸞翥願與雙栖在泉路誰何採風表貞固墨莊
吾友誌其墓

赴盧溝橋率占

西峯曉翠碧陰陰出郭春光始覺深三尺輭紅輕送馬
一層新綠暖藏禽天圍野色無空闊地界河聲自古今
莫指白雲南去路橋頭振觸望鄉心

衛貞女辭

夫年十三妾年十二兩小無嫌猜心知舊姻締天乎降
矣五夜嚴霜殞蘭蕙脫我繡襦徹我珠珥皎如新月生

小萬卷齋詩彙

卷十二

四

守此貞不字

一解

貞不字踰十年茹荼作苦受齋作辛熒

熒血背聲暗吞平居女伴偕漠然無笑言中心誰識多

煩冤

二解

父曰兒來我爲兒哀爾舅爾姑憐爾爲春荂忍

爾爲枯蕪豈有苦節繩童孩我在尚可恃我死將誰依

三解

女曰天只兒命可知矣迎兒歸趙氏棄兒終衛氏豈

不聞當年北宮嬰兒子

四解

跪白阿母阿母執其手兒衛

氏女趙氏婦薦糶已斷根鷓鴣不求偶願告吾父願告

我舅

五解

父兮淚漣舅兮涕漣淤泥肯流瑤池蓮送於門

悲女艱迎於門嘉女賢濟濟萬衆皆衣冠豈有行路人

感極流洑瀾

六解

上高堂拜尊璋麻衣躬詣黃壚傷九天

九地同茫茫入室織縑素入廚作羹湯吁嗟古井水終

古波不揚

七解

波不揚井終潔一片清心映冰雪緘汝歸

時篋藏汝聘時帖廣汝貞風傳奕葉爲著其名勒於牒

父彥章夫同變

八解

靜齋家兄以東藩授光祿卿卽厲雙槐書屋之左鄰聚

首可常喜而有作

越水齊山促駕頻天教息影敞廬親波恬宦海無驚夢
暑逼書窗有暗塵蘚迹新開三徑路槐陰併覆兩家春
時時捉席園中坐故里連枝憶倍真

卽事

小萬卷齋詩藁

卷十二

五

迎梅雨過夕陽斜照眼安榴又著花埋甕地深防積水
索租人急懶移家門通壞壁泥猶濕屋壓涼篷樹半遮
消得圖書終日擁晚來聽聒隔牆蛙
不寐

倚枕關何事深宵夢不成獨憐殘月暗相守碧天清鏡
影已非昔鐙光如有情茫茫千古意付與短長更

得靜軒家兄吳門書卻憶

蘇臺一枝柳薄送到燕關作客竝天末知君思故山况

經多病瘦終願早歸閒望遠忽成憶蒼蒼煙水間

雨後同人飲天香樓看荷作

我愛看花索笑笑花亦有緣從我好盟鷗社裏三五人
隔宿恩恩重相報侵晨戶外聞剝啄欲趁芙蓉初日照
無端造物妬勝遊急溜如麻忽飛瀑徘徊清景頗難得
屢捲疎簾向空禱支頤坐待天容開城頭遠樹蟬已噪
雲陰解駁午暉正促駕羸車輾泥淖溽暑稍退風入衣
六街無塵不須掃煙波逸興競湍發拍手登樓縱間眺
臨流早有花枝迎一片濃香沁詩竅娟娟出水濯新幹
雨後紅妝倍光耀珠露細瀉玻璃盤旗槍合鬪傾石銚
江南採蓮自成曲惜少蘭舟撥孤櫂喜倚淨客澄客心
松醪百榼拌共酌縱橫何用雜肴菽但嗅鮮葩夢應覺

小萬卷齋詩藁

卷十二

六

酒酣時向闌干凭曾憶去年儔侶到幽鳥似識來往熟
翩躚故近檐前繞屈指鷓鴣倏變遷依舊娉婷逞顏貌
人生佳趣且爲樂事過追思徒悔懊更扶殘醉踏斜陽
濕霧猶餘滿頭罩

積水潭

雨過風氣涼城隅得幽迥濛濛渚煙碧積水浩千頃清
陰冪寺門歸鳥聲亦靜蕭寥晚鐘響了悟發深省人在
花中央坐窺潭底影冷然瀉寒溜滌我神欲醒高臥蘿
磴閒新泉試芳茗情愔話老僧自覺氛埃屏喬林肆遐
矚萬象羅同同此地昔通惠崑莪聚方艇一旦成沙隄

長江路終梗爲問鰕菜亭荒榛沒其頂望古振吟嘯題襟忘日永巖坳宿雲畱空翠襲衣領何當憩良夜索句聯石鼎皓月凌波來三更露華冷

胡兼山南歸下榻綠竹山房賦寄四首

揮手自茲去白雲天際飛知君棲故里竟日閉空幃避俗鶴投嶼緡緡書猿護扉緇塵回首憶只覺計全非
東山有精舍結構近如何解帶舊量竹綉衣新製荷廣庭邀月共虛牖受風多別見蕭閒趣詩朋幾度過

高閣耐殘暑曉來時倚欄颯然遠峯雨飛上青林端徑引暗泉細鐙畱深夜寒只應清課暇佳景舉杯看

小萬卷齋詩藁

卷十二

七

林亭何窈窕我亦舊曾遊枕石鳥驚夢臨池魚戲漚風懷營五畝高詠傲三秋睽念躡苔屐重探雲樹幽

夜坐

蕭齋枕簟韻清冷獨坐忘言自掩屏暮雨涼生蟲語砌秋風信近葉飛庭小窗得句鐙初暈中夜懷人酒易醒

驚覺樹梢殘滴響舉頭先數入簾星

時正苦雨

覽邑志余族多至行著其尤者以俟采風五首

嚼齒碎表忠節也象先公明末守嘉定遭獻賊之難闔門殉節縣令于鼎元以嚼齒奇忠顏於祠

孤忠耿耿山岳動江到嘉陵怒濤涌沿江蝟聚皆賊巢

可憐白骨填空濠空濠繞城城似斗計吏將行已解綬
公曰我去誰與守守我城哀我民忍視殺人如屠豚銜
冤訴天天不聞祝融虐毆圍其門嗚呼睢陽嚼齒齒墮
地啜血噴成忠孝字千古幾見真男子一念偷生遂惜
死君不見三寸簪刺喉濡縷力不任蘇來摳入金瘡深
謂公夫
人胡氏

撒繡鍼闡貞潔也本御公未婚妻胡氏守志居一樓
常黑夜撒鍼於地拾之無遺如是者四十年

一鍼撒地一鍼捻千鍼百鍼都入篋鍼鍼刺血交目睫
終年匿影居層樓機聲夜夜樓上頭夜深噩夢潛飲泣
小萬卷齋詩彙 卷十二 八

夢見兒夫水中立水中立心搖搖往視靈樁隨波漂經
營始獲山邱高療姑病刲其股逢姑喪蠲其脯姑亦回
生慰辛苦禧禧出出妖鳥鳴結衣闔扉神不驚天爲倉
卒驅風霆吁嗟艱貞幾蒙難絕緒危如綫未斷綫未斷
將若何清光皎皎鍼新磨君不見冰心格婢婢亦化白
首飛蓬矢不嫁

墓田碑美修復也始遷祖墓久蕪沒正吾公本書屢
控上臺瀕於死者數卒得直至今永守焉

墓門道下穴颯颯上荒草何處冢壘壘荆榛不可掃蕭
寺讀書方少年經過屢問瀧岡阡阿叔密語神愀然不

展先人墓不踐行人路南山豈有金銅錮訟牘連番苦
無據牘無據碑已藏披髮上欲排天閭豪家騎駿馬得
意殊揚揚鋌險甘心骨糜碎屬垣龍龍不吠天奪其
魄趣其喙沈碑涸取陂塘開髣髴示夢靈旗來東二尺
餘遺趾埋掘地見髡歡如雷惜哉當時同志者

樂行公
名明用

大吏威嚴斃杖下摩挲豐碑淚頻瀉

鏟山平欽質孝也陽升公武東採樵養母母沒廬墓
側三年朱竹君學使表之曰孝力鏟山

朝負母出暮負母歸家徒四壁立性命真相依母負暄
兒負薪母病痿廢求諸鄰得錢甘旨供昏晨斑衣日著

小萬卷齋詩藁

卷十二

九

終不婚無端採樵入山去鬼伯催人赴泉路驚心若神
告抱母血流注精誠上徹天亦哀急勅地府招魂回又
延廿載歌臺萊臺萊旋菱母旋歿一點寒鐙伴靈窟悲
風蕭蕭懽肌骨當年鏟山山爲平勞力兼濟行人行
人息肩嗟復嘆孝子斧柯猶未爛

鴉酉寨彰武烈也慶錦公入湖南武陵籍任永綏守
備逆苗擾鎮算總兵明安圖被困馳救死之

脩髯健臂射穿札奮志沙場賊親殺殺賊賊益紛如麻
團團密陣飛烏鴉烏鴉棲幕猿鶴燼將軍入圍鼓弗震
叱咤生風獨登進進復進衝戈鋌努力爲

國軀同捐永綏壯士皆涕漣聞公事急氣無忸結束將
行赴鴉西妻孫在左妾在右地下相從義不垢一門六
口全其忠效死毅魄心猶雄快視小醜終炳蓬史館吾
曾讀公傳突騎倉皇想酣戰目皆裂血光爍電

題遜志齋集後二首

幽燕一旅下江南事到金川已不堪削地倉皇謀國誤
成仁慷慨殺身甘誅除易代猶嫌酷詔旨瞞天總負慚
卻忘讀書真種子臨行諄屬有瞿曇

衰麻拄杖履朝廷枉使齊黃共被刑道涉聖門爭節義
恩酬高廟泣神靈可憐十族衣冠禍空博千秋姓氏馨
小萬卷齋詩藁

卷十二

十

一代文章多勁氣焚餘尚奪燭光青

蚤秋四首

秋色來鳥外遠峯生夕陽雨收畱露潤風過埽雲涼蕙
草依人碧槐花滿地黃捲簾衣袂薄天氣正蒼蒼
聽盡暮蟬噪經旬誰叩關泥深車轍斷葉落酒尊慳夢
境淡於水詩情清在山披襟當挹爽又到翠微閒

莫問南皮讌浮瓜事已非瓦盆儲水久銅椀賣冰稀皮
篋珍紈扇開箱疊紵衣篆煙飄入坐相對亦忘機
耿耿橫銀漢挑鐙靜夜分懶蠶眠未穩歸鴈叫先聞遙
識石巖冷漸多金粟芬故園千里隔幽思忽紛紛

詠晚香玉二首

碧紗黯黯近黃昏，開到名香手欲捫。
三徑乍涼秋有信，一枝斜映月無痕。
烏雲掠削添蟬影，白露霏微引蝶魂。
孤幹誰知高格在，誤將夜合與同論。

渾如百和壓蘭茝，暮雨移栽倚瑣窗。
午酒初醒濃惹袖，丁簾不隔冷搖缸。
應期碧漢占重七，求種藍田計幾雙。
最是燕臺饒素豔，輕風夢欲載吳艤。

山陽賑哀大令李君

毓昌

之死也

君山東卽墨人戊辰進士

龍羹已染指象齒，將焚身縣官橐飽司農緡。

皇命賑饑饑及民，饑民口中攫之食。高堂坐視蛟鼉逼，
小萬卷齋詩藁

卷十二

十二

萬竈無煙突不黑，突不黑心爲哀童兒。騎竹馬前迎使君來，使君疾惡如飄颻。強項不肯署成牘，清夜誓救滔天災。滔天波浪聲亦靜，射工含沙伺人影。一甌茗三尺綆鳩鳥爲媒，僕同窘吁嗟乎石闕銜不得。語庭槐，紡不得拒泉臺。冥冥無地處，珠旗玉節神靈雨。可憐深閨人，啟篋先淚漣。但見血衣裳，藁砧何時還。屋梁落月猶照顏，稽首臣叔呼九關。

君叔太青始發其事

九關洞開

褒峻潔豐碑，特立光巖穴。

墓碑刻御製憫忠詩

覆盆之冤一朝

雪雪君冤慰君魂，山陽吹笛未忍聽。合聽輿頌淮南邨，君不見鼻鸞豈兩全。鬼蜮豈久延赫赫，白日當空懸。

神倉鼠

神倉鼠朝餐梁暮食黍恣睢橫行居大廡白日不畏人
移來窖中貯誰能遽熏室藏身若郿隍入穴公然銜糞
簸揚揚十載歌且舞巨觶來河之滸萬鍾粟畫空簿買
藥津門結儔伍一斗增一蚪一豆增一鬴計日開倉粟
如土欺天狼戾天亦怒五技終窮離置罟欲化蝙蝠飛
前途迷處所大鼠尾不掉小鼠首亦俯鼠婦泣嗚嗚當
階繫以組視爾拖腸髓膏斧吁嗟顆粒皆辛苦况乃雲
帆供天庾兵民仰給官詔精腹其有餽猶怨汝云何醜
毒成臭腐黠復癡神倉鼠

小萬卷齋詩藁

卷十二

十一

閱養泉詩卷因憶舊游有作

浮屠戀三宿鴻爪印雪泥山水興方滋夢與煙雲迷蹉
跎十餘載往事偏重提吳門有同氣池塘賦春莢莪莪
姑蘇臺當年曾杖藜響屨廊已空但聽流鶯曉憑臨俛
震澤一碧澄玻璃回首叫靈胥浩歌無端倪釀爲河朔
飲日日呼酒棹東風放蘭棹遂踏西湖西朝拜少保墳
夕沿刺史隄斜陽帶芳草到處成幽蹊橋頭桃李花兩
袖濃香攜下榻總宜船衝波狎鳥鷺明光盪天鏡萬象
都欲低巖禽亦迎客百疇趁馬蹏南高北高峯上切丹
霄齊琅玕綠千个得句時畱題誰知護紗籠疥壁終塵

壁邇來久緇衣坐惜清景睽書齋獨吟嘯漫作寒蛸嘶
人生貴適趣焉用儕醯雞君詩多舊遊梗泛如鷗栖飄
然發遐想刮眼須金鋤何當涉前蹤筆牀還自齋乾坤
好風月恣我閒評批

河鐙詞

一鐙遲一鐙疾倒影千鐙萬鐙出鬼車逐隊來就鐙故
鬼欲沒新鬼升鐙光照徹大千界月下遙看鬪牖拜紅
蓮朵朵凌波斜頃刻變現優曇華優曇華飄冉冉聚草
陰憐慘無燄夜深月黑鐙轉青隔岸幾點如疎星法王
鏡鼓臨流送泉路茫茫終是夢願調玉燭光氤氳龍銜
小萬卷齋詩葉

卷十二

三

寶曜河之濱鐙不照鬼先照人

輓洪北江前輩四首

夜雨孤鐙獨自哀機絲照影泣蘭陔

君少孤太夫人課讀嚴歿後曾作機

聲鐙影圖華峯跋馬中原地蓬島騎鼇上第才侍學

三天寒漏徹乘郵萬里瘴煙開最憐杜曲花無賴蓮幕

同遊半草萊

謂嚴侍讀長明吳舍人泰來等

狂言一紙出朝端豈有承明著豸冠加劔自知臣罪重

賜環終荷

主恩寬金戈鐵馬詞猶壯雪窖冰天夢未闌得正首邱

應仰感泉臺回望涕漫漫

辛勤閉戶注魚蟲積歲消磨卷帙中詎正邱明編欲絕

所著左傳詁源探豎亥步能通地理之學近代未有模山範水詩

千首種月栽雲地一弓新闢精舍額曰澹雲斜月西堂遺恨傳經蘇叔

黨未親飯舍慟西風令嗣孟慈孝廉時在關中

培風閣上醉曾眠癸亥冬日見詩劇飲培風閣中復憶雲溪小泊船中

酒地誰同把酒謫仙人更作飛仙余入都道出毘陵相見於白雲溪臨行贈

詩有蓬萊久作謫仙人句千秋重為文章惜五嶽長宜姓氏鐫性嗜山水

五嶽登其一此日懸崖真撒手凌颺直到大瀛邊

夢中躡虛而行有凌雲之意作步虛詞六首

華胥一枕夢遠在蓬萊岑天樂下相接半空鸞鶴音

小萬卷齋詩彙 卷十二 西

袖挹容成公齊飛生羽翼閒作一片雲高臥橫八極

孤峯不可攀獨立無塵侶寥寥千萬年舉頭與天語

一嘯衆山響凌空秋月高天風吹頰洞濯足海門濤

上界有丹臺扶搖絕飛鳥蒼煙九點收粒粒神州小

飄然披鶴氅此境判仙凡欲問林威守新開石室函

鬪蟋蟀

秋風動寒砧靜聽簫管奏么嶺驚獨跳兒童喜先購潛

行炷鐙醮細剔抉巖竇辨響識強弱量形揣肥瘦號錫

壇上登資雄市中貿澤光或如漆苾角皆有胃蛙怒賦

欲憑鶴乘甲堪授合効鄒魯閔欣觀觸鬻鬻鬻鬻珍茲瓦盆

開藉爾草鞭逗兩陣各張軍空考無虛穀蓄銳蜂目睨
伺殆鼠牙湊生機本陰妬得勢遂馳驟蚌持鷸難飛螳
捕蟬在後來已戴吾頭立將絕其脰毫挫何稍怯氣增
轉相就七縱七擒能三戰三北又賈餘妨兔脫矜勝喧
雉雖拌爲拔蝥頭肯作曳兵走英心卻勅敵努力迫窮
寇監腦睛宜瞋翻膺爪亦透收局羣動顏策動獨披繡
恩深感鞠養彩奪侈殷富囂爭誰變風戲劇早沿舊唐
都萬金費宋辛半閒構物雖眇肖翹時乃關傾覆不若
畱清聲苔階月明候

秋夜曲六首

小萬卷齋詩彙

卷十二

五

一片寒煙一片愁凝情脈脈雨初收隔窗絡角銀河影
深鎖葳蕤不上樓

銅壺漏滴轉初更
几無塵別思清待到夜深人悄悄
西風吹出剪刀聲

玉笛梅花引夕涼闌干拍遍繞迴廊屏山六曲蘭缸掩
獨薰薰鑪甲煎香

銀雲櫛櫛捲簾時促織聲催落葉遲風露滿庭眠不得
豆花棚下月橫枝

屋角疎星耿玉繩團蕉密坐靜如冰生憐翠袖禁寒薄
倚檻新添半臂綾

孤懷重憶木蘭艘
遠道音書尺鯉雙
鳴雁一羣天際去
五更殘夢落秋江

懷胡玉鏢二首

憶昔城西寺登臺
倒酒樽舊朋今久別
幽抱與誰論
聖室歌吟咏蕭齋
勞夢魂楚騷鐙下讀
吾欲寄蘭蓀
尺素經年少賓鴻
去復還高秋催木葉
一夜滿江關
風雨有餘恨
簡編相對閒
定知孤往處
明月白雲灣

補屋

補屋新泥瓦縫黏
芟除宿草墮前檐
汗畱雨漬重糊壁
涼怕風侵欲換簾
漸減槐陰秋色老
初聞鴈響客懷添

小萬卷齋詩藁

卷十二

六

中庭撒盡蘆棚架
好放青天挂玉蟾

一室

一室蕭然自養真
香篝茗椀託閒身
觀書難買怕過市
止酒屢開慚告人
老樹葉飛雲影宿
疎窗風定鳥聲親
金迷紙醉終何戀
欲與名山結淨因
八月十五日微雨過十刹海用去歲觀荷韻

一覲光陰下峽舟
頻年縱酒此高樓
野鷗拍岸情如舊

寒兔登筵節又秋

都人此日設供

微雨淡雲偏作態
敗荷衰柳

不勝愁何當淨掃長天碧
水調歌成載月遊

是夜陰晦忽開皓
月如晝喜疊前韻

銀潢耿耿泛仙舟爽氣新開到庾樓絃管一聲吹靜夜
水雲千疊洗涼秋閒看竹柏初篩影遠望關山莫惹愁
天放清光當此夕羽衣欲入廣寒遊

王氏義田詩贈王君備五

希文置義田記者錢公輔勤施及鄉族於國究無補王
君古義殊可嘉志切利

國先利家隸籍當年運糧戶時時泛宅江之涯長風驚
波渡危牖碎鷁常求補苴法縣官科率及貧困暮夜追
呼竄鵝鴨

朝廷恤丁

小萬卷齋詩藁

卷十二

七

恩已深漕粟動輒蠲漂沈神倉蠹吏勒升斗昨歲大戒
貪囊侵吾儕讀

詔宜共感粒粒盤飧慎毋歉十年五年予改爲漏甕須
防此高艦俄驚一炬池陽焚破帆焦櫓今何存鳩宗合
語少成算相顧莫解傾錢緡坐中惟君蹙然起水木根
源忍歧視不妨獨舉肩諸身終古安居慶桑梓更營沃
產區南東儲貲早備釘頭工廣廈千閒藉餘庇是意良
足懲澆風君不見計然策手操奇贏富莊宅原田往往
連阡陌細及錐刀亦珍惜翁收十斛聊自娛旬貸何曾
出私積三代遺俗嗟久淪未聞閭黨相調賓編氓盡得

若君等人皆立愛親其親舳艫况可免摧敗倍速飛輓
無遠巡知君素願思博濟水旱尤應賑凋弊他時萬頃
增良疇盍仿名賢社倉例

墨莊至餉以筍蕨之屬翌日寄詩來次其韻

雙槐對影共緡書野藪山肴入饌初綠泛一樽畱客醉
黃堆三徑喚童鉏秋風遠浦牽菰菜夜雨荒園翦韭蔬
記得江鄉清味好桃花洞口問秦漁

城東拜熊謙山師厝所時將輿觀南歸

城東車馬稀古冢紛纍纍野水滿歧路上有烏鳶飛拈
花寺前常寂寞鐘樓斜歇殿扉落眼前突兀峙一亭蓬

小萬卷齋詩藁

卷十二

六

蒿翳徑無人行回頭卻遇白衣客如見當年雪三尺丁
令威鶴何日還埋骨只合歸青山青山迢遙隔千里別
淚霑襟情不已潞河葉下風正涼極目積照空蒼茫君
不見華屋棟吁嗟零落同一夢登車無言腹猶痛

侵曉至東便門作

三更四更雞喔喔殘月如鈎挂簾角門前羃歷霧濕衣
馬首衝霧噴霧飛萬家沈沈皆夢裏卻喜輶塵吹不起
街心直馳無擊摧數里但見孤燈來燈光不明月光黯
頭戴曉星纔一點星影斜照車帷中迎面欲接朝陽紅
秋風漸寒催曉柝鳴立城隅候司鑰人聲已喧驚鳥聲

空外泉響如琴箏

九日釣魚臺登高四首

煙靄極天淨湛然秋水閒重陽人出郭爽氣滿西山葉
落魚梁淺風寒鷺渚閒九衢塵不到終日聽潺潺

雅抱登臨願探幽笑口開黃花酬令節老樹擁高臺野
興長歌發鄉心短髮催參軍狂態在不厭久莓苔

此地停車數磯頭石尚溫忽牽詩客夢重問酒家邨埽
籜親煨鼎班荆共舉樽卻教尋野菊簪遍帽檐痕

我欲寒流枕前溪已夕陽斷鴻橫遠碧衰柳慘新黃游
屐且爲樂釣竿原久藏迴思良會處綠竹啟山房

山房曩爲

小萬卷齋詩藁

卷十二

五

登高之所

長椿寺訪菊

城南半禪房名花造成海秋來有佳色錯列鬪鮮彩可
惜作園丁辛勤供朝窠遊人稍遲到零落數枝在命駕
急訪尋寒葩庶吾待茲寺頗近古創建踰百載斷碑埋
積垣佛塔尚崔嵬老僧亦好事時菊營爽塏滿院鋪黃
金高低燦奇蕾懸牌立殊號珍重越蘭茝僻地幸勿喧
塵緣不能浼經行歷畦畝坐對手承頰趙家夙占魁

謂舍

人鉞今歲貧且餒東籬屬幽勝磊磊已堪採蕭疎無俗容

莫羨隋宮綵肩擔倘入市索價應幾倍欣賞得天然觸

眼盡珠琲紗籠慎畱護晚節傲霜雌但願如長椿柯葉
無遽改深杯欲斟酌過後恐追悔

送家立亭縣尉南還

憶昔賦北征千里同舟車出門已歲暮星駕爭前驅狂
風起中夜馬逸不可拘耳聽爆竹聲夢裏驚遽遽破屋
只半閒麥飯羅無萸寒鐙共坐對時乃歌吳趨一從踏
輦塵下榻城南隅嬌兒習句讀督課心忘劬晨夕樂相
數俗態先欲祛談言傾座人脫帽恒酣呼往往曙鐘催
枕簟縱橫鋪興來恣游覽聯轡尋郊墟搔首望青天倒
盡酒百壺道旁駭觀者兩目瞠睚眦登高發長嘯突兀

小萬卷齋詩葉

卷十二

十

氣頗麤利器空在懷未得搴螭弧俯就末僚中甘與哦
松徒聊博升斗養滑澑爲親娛蓬館旣叙勞遂返循陔
廬歡顏話久別且用慰倚閭捧檄尚待時舊業繙詩書
或者躡蟾窟徑掇驪龍珠雞肋棄勿惜矯翮翔雲衢通
塞本無常努力邀令譽殷勤重握手歸鴈恨弗俱戶外
飛嚴霜行李早戒途君意方鬱陶臨歧步趨趨桑下宿
猶戀况經六年餘茲地忍忽捨我亦將移居雙槐色愀
然落葉紛階除

菊枕二首

欲倩黃花伴此身歲蕤糝遍枕函新秋深老圃殘陽曛

夜永深閨弱綫初紙帳生寒香不滅羅衾比瘦影相親
東籬採罷容高臥便作羲皇以上人

佩結芳蘭意共幽羅含宅裏話新愁盛將露朵供明眼
撫到風軒憶插頭禪榻獨眠清有夢隱囊閒倚澹如秋
倘從酈縣尋甘谷槃澗蕭然合枕流

移寓米市街西墨莊贈詩次韻四首

日日雙槐抱門前每醉還梗隨鷗渚泛枝徒鵲巢閒曲

萊深連壺磐陀矮壘山對牀風雨夜香案幸同班

時與靜齋

家兒同居

整理如新構幽房四面通衰楊垂豔黯密竹夏瓏瓏雪

小萬卷齋詩藁

卷十二

三

壁虛生白霞窗碎映紅街衢只依舊又作印泥鴻

十笏芳園地吟情欲倚藤歲寒聽葉落天遠望雲興古

蔓輕陰覆長蘆逸事增

朱竹垞自號長蘆叟居京師有古藤書屋

井闌清響

罷趺坐靜如冰

六載京華住新鶯始一遷同心無俗客拍手有奇篇啟

戶迎清旭圍鑪挹澹煙名花愜幽賞莫惜屢停鞭

同人約秋後遊山不果書此自遣二首

歸鴻宿渚鶴栖林夢裏雲山費重尋我輩可能無檢束

人生難得是登臨三秋息影經風雨五嶽愆期惜向禽

也識輓塵緣未脫銜杯聊與滌煩襟

清遊昨歲憶陪從出郭同扶七尺筇石徑曲通黃葉路
茅庵高倚翠微峯招邀舊雨誰攜手悵望層雲欲盪胸
恐是山靈先謝客松關特遣雪霜封

李芝齡書所作遊西山記并詩見貽題後二首

點染煙霞景物鋪秋山著屐印前途朝華夕秀心如寫
翠壑丹崖興不孤棲隱豈宜盤谷序臥遊聊當輞川圖
茅庵待我重相訪可認題牆舊句無

搜巖剔穴巧瓏玲彩筆橫開一桁屏清漱似聞泉瀉碧

澹吟曾坐閣延青

閣在潭
柘寺

松寮對月同聯韻薛壁摩雲

欲刻銘此日樓頭飛爽氣知應笑視共山靈

小萬卷齋詩藁

卷十二

三

喜雪詩同人飲吳棣華齋中作

釀雪歷浹旬引領勞萬衆甫田藉霑潤春作及時種緬
彼同雲詩蕭齋暗稱誦今朝朔風緊仰視天宇零舉酒
需瓊宴賓筵恰先供同心八九輩脫略耐嘲諷袖中出
新篇音律嚴沈宋重陰漸霑霽釀耐初發甕興至輒自
斟斝疊遞傳送拔來更報往排次奔僕從團欒楫拙鑑
暖意溢梁棟舉帷忽驚告灑浙飄霧淞座客羣起譁露
頂拌受凍庭階踏積素頃刻補填空頗訝造物奇搏沙
爲此弄驪然忽就坐笑語聲益縱不厭觴政苛斷斷互
相訟主人勸深酌堅待三尺壘豪情遂忘疲快欲騎白

鳳燭光曙殘，池清漏寒已。重揖別遽登，車飛花逐吟。韃
心愁馬蹏，滑緩步戒頻。控是時月昏，黃林鳥息餘。呀惟
聞祝宜，麥到處成市。闐我儕廩虛，糜憂樂理當。共勝會
兆嘉瑞，維魚牧人夢。

邀同人於臘八日消寒題柬二首

消寒舊例擁松盆，一度吟詩一舉樽。拌得夜深銀燭地，
雪花如掌不開門。

臘鼓驚聞歲已周，楊枝浴佛出街頭。客來莫笑酸寒味，
新試茅庵粥一甌。

男鼎元校字

10423

小萬卷齋詩藁

卷十二

三

